

De secretione humorum e sanguine : ex solidorum fabrica praecipue & humorum indole demonstrata / auctore Johanne de Gorter. Cui accessit ejusdem Oratio de dirigendo studio in medicinae praxi.

Contributors

Gorter, Johannes de, 1689-1762.

Rijksuniversiteit te Leiden.

Publication/Creation

Lugduni Batavorum : Apud Janssonios Vander Aa, 1727.

Persistent URL

<https://wellcomecollection.org/works/sq9kaavc>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>

Charles Ashenocer
DE
SECRETIONE
HUMORUM E SANGUINE
EX SOLIDORUM FABRICA PRÆCIPUE
&
HUMORUM INDOLE
Demonstrata,
A U C T O R E
JOHANNE DE GORTER,
Cui accessit Ejusdem
O R A T I O
DE
DIRIGENDO STUDIO IN MEDICINÆ PRAXI.



LUGDUNI BATAVORUM,
Apud JANSSONIOS VANDER Aa, 1727.

ДИЛОВОГО
ДИПЛОМА ПОМОИ
СЕБЯ УЧАТЬ МИРОВОГО УК
ЗА
СОДЕЙСТВИЯ
СВЯТИХ
ПРОЩЕНИЯ
АПОСТОЛА
ПАПЫ РИКИНОВ
О И Т А Я
ЗА

ЭТА ДИПЛОМА ПОМОИ СВЯТИХ

СВЯТИХ АПОСТОЛ
ПОМОИ СВЯТИХ АПОСТОЛ
ПОМОИ СВЯТИХ АПОСТОЛ

LECTORI

S. P. D.

JOH. DE GORTER.

Multum licet fuerit de Secretione disputatum, lubet tamen eam iterum ad examen revocare; quum plurimæ sœpe dantur viæ, quibus eundem aggredimur scopum, & quod a multis sœpe non perficitur opus, ab uno aliorum omnium adminiculis adjuto ad perfectionem deducitur. Sed judicabis forsan B. L. quod tantum faciat ad Insensibilis Perspiracionis cognitionem, hoc Opusculum una cum priore, quod ante biennium publici juris feci, edendum fuisse: hoc concedo, in eadem tunc quoque eram

PRÆF. AD LECTOREM.

striæ Viri eruditissimi, in Medicis experientissimi atque Physicis, Medicinæ Doctoris, GERARDI A SWIETEN debetur, qui ex singulari erga studia amore, tædiosissimum hunc ultro in se recipere voluit laborem, cui ego igitur maximas debeo gratias. Si interim occurruunt in hoc Opusculo, quæ non satis placent, in bonam partem consulas, non enim omnes possumus omnia, quæ autem utilia, ad ægrotantium salutem utaris, rogo.

Dabam Harderovici

Die 2 Julii

1727.



Digitized by the Internet Archive
in 2019 with funding from
Wellcome Library

<https://archive.org/details/b30776466>

SECRETIONIS ANALYSIS.

P A R S P R I M A.

1 D^efinitio.

2 Ad secretionis cognitionem requiritur explicatio

A. Fluidorum :

3 a. Quas proprietates sanguis communes habet cum aliis liquoribus.

4 a. Quales deteguntur inter liquores.

5 1 Duæ guttulæ solo attactu uniuertur & sphæricam induunt
6 figuram.

7 2 Partes liquidi inter se facilius moventur quam separantur.

8 3 Cohæsio major & minor potest fieri in eodem liquido.

9 4 - - - - & quibusdam tantum particulis.

10 5 Vehiculi abundantia & penuria impedit & favet concretioni.

11 6 Omnes particulae non eandem exigunt vehiculi quantita-
12 tem ut separatae maneant.

13 7 Vehiculum copiosum valet separare partes.

14 8 Fluida gravia vel solida soluta leviori mista non semper
15 descendunt.

16 9 - - - - - nec separantur motu.

17 10 Gravia fluido leviori non intime mista, minus ascendent,
18 si projiciantur.

19 11 - - - - - adaugent tamen totius mastæ impetum.

20 12 Liquores confusi in corpus solidum possunt converti.

21 13 Confusorum alter sphærulas format, si non misceantur.

22 b. Quales reperiuntur inter solida & fluida.

23 1 Unum liquidum tenacius aliud laxius adhæret solidi.

24 2 Motus parallelus cum solido facilior omni alio.

25 3 Non omnia solida æque facile juxta solidi superficiem
26 patiuntur duci.

27 4 Tubuli minimi allevant liquores.

28 5 Quo tubulus angustior, eo altior liquoris ascensus.

29 6 Ex tali tubulo inverso non exstilabit liquidum; sed ad al-
30 teram descendet extremitatem.

31 y. Quales in fluidis per vasa motis.

32 1 Liquor concrescibilis, si per canalem moveatur, concres-
33 scere potest.

34 2 Motus liquidus circa canalis axim celerrimus.

35 3 Lævissimæ partes circa axim, aliæ ad latera canalis feruntur.

36 4 Velocitas liquidus respondet canalium quadratis inverse.

37 b. Sanguinis specificæ qualitates.

38 1 Sanguinis indoles secretionibus favet.

39 2 Constat partibus magnitudinis variae.

40 3 Partes microscopio visibiles in sanguine sunt sphæricæ.

41 4 Sanguis ubique concrescit stagnans.

42 5 Circulatio conservat fluorem.

38 6 Motu accelerato & retardato densatur sanguis.

39 7 Concrescit calore nimio & frigore.

40 8 Pars rubra in arteriis venis & cellulis intermediis tantum cir-
41 culatur.

42 9 In corde exakte mixtus, constat tamen particulis variis.

38 10 Ibidem omnes possidet liquores, vel eorum materiem.

39 11 Omnes humores corrumpuntur stagnantes, & quisque pro sua
40 natura aliam exhibet corrupti humoris speciem.

41 B. Solidorum

42 1 Vasorum perpendiculares sectiones ad axim sunt circulares.

43 2 Orificia vasorum multum differunt amplitudine.

44 3 Quadrata diametrorum ramorum superant quadratum diametri trunci.

45 4 Vasa circulatoria semper premunt contentum.

46 5 Cursus arteriarum varius ad diversa organa.



JOHANNIS DE GORTER

D E

SECRETIONE

HUMORVM E SANGUINE

PARS PRIMA.

I.

uando in aliqua parte nostri corporis e massa sanguinea, vel inde derivatis humoribus, separatur liquor aliquis, qui quibusdam proprietatibus ab illo liquido, ex quo depromptus est, differt, vocatur hæc actio Secretio, & liquor separatus humor secretus. Hæc separatio si fiat extra nostrum corpus, vel sponte ut in omnibus plantis, qua varios ex eodem solo segregant liquores & quidem diversos in ejusdem plantæ radice, trunco, foliis, floribus, seminibus & fructu;

A

ctu;

etu; vel arte ut in plurimis Chemicorum operationibus, ad hoc non pertinet negotium, in parte enim debet fieri nostri corporis. Hæc licet in aliis quoque fiat animalibus, in hac tamen noluimus admittere definitione, quod animus est eas tantum, quæ in nobis fiunt, exponere Secretiones, ne multitudine magis obscura redderetur hæc pertractatio. Ex massa sanguinea non tantum est opus, ut segregetur liquor, serum etiam & tenuissimam sanguinis partem, per pellucida vectam ab arteriis orta vasa, plures credo, quam immediate ex arteriarum finibus suppeditare liquores. Liquor etiamsi divaricatione vasorum in multas dividatur partes, quæ nihil inter se & a priore differunt humore, pro Secretionis negotio minime est habenda hæc operatio.

2.

Hujus ut clarius fiat doctrina, humorum, ex quibus fiet secretio, & organorum, per quæ peragetur hæc separatio, est exponenda indoles & fabrica. Omnes fere, qui de hac liquorum separatione scripsierunt, statim aggressi sunt ipsum exponere secretionis modum: prudentiores vero glandularum accuratam præmisere explicationem. Quum autem sanguinis natura & reliquorum liquidorum non minus faciat, quam organorum intima notitia ad Secretiones explicandas, secretionis disciplina obscura & intricata hucusque mansit: nulla enim potest actio, cuius altera pars relinquitur inculta, exponi clara.

3.

Sanguis generales omnibus liquoribus communes, & alias sibi tantum proprias possidet qualitates. Sanguinis hic vocabulo omnes complector in nostro corpore humores, ex quibus aliqua fit, in quacumque corporis parte, Secretio. Est utique fluidum, qua definitionis parte sola patet multa in sanguine

guine inveniri, quæ in generali liquidorum idea requiruntur: hoc est in sanguine quædam reperimus, quæ in plurimis quoque aliis reperiuntur fluidis. Sed in eo ipso sanguine alia deteguntur, quæ in nullo alio fluido conspicuntur, quibus possumus hunc liquorem dicere sanguinem esse, & non aliud fluidum. Hæc duo genera examinata ad Secretionis intelligentiam multum accendere lucis postea videbimus.

4.

Sanguini reliquisque humoribus homogeneis vel exacte permixtis proprium est, duas guttulas immediate sese mutuo tangentes uniri, sphæricamque, si nihil impedit externe, induere figuram. Primo proponam veritates, quæ in quovis liquido cum alio sibi simili deteguntur, & eas, quæ cum liquore alterius indolis manifestantur; 2º quæ ex applicatione fluidi ad solidum prodeunt; 3º quæ ex motu fluidi deduci possunt. Praepositam veritatem ut omnes Medici & Physici affirmant, ita quam maxime dissentunt in alleganda hujus phænomeni causa. Hic a causa pellente externa, ille vero ex insita vi attractrice explicare conatur. Utut sit, nemo negat hanc unionem naturalem omnibus non modo liquidis, sed etiam corporibus solidis liquefactis; infinitis alias enim experimentis evinci posset adversarius. Nonne aquæ guttula in aëre congelata sphærulam? & aëris bullula, sub aqua ascendentे glacie firmata, globosam cavitatem præbet? ipsa etiam metalla in fluorem redacta, ponderosissimumque argentum vivum, & oleosa quævis post nudum attactum sphæram quantitati Materiæ respondentem exhibent? certe non novi ullum fluidum aut solidum in fluorem redactum, quod ab hac generali posset excipi regula. Sed vero, si supra corpus solidum vel fluidum talis hæreat guttula, inferius, quod ibidem magis quam alibi comprimatur, complanatur, & quo major ejusdem liquoris est quantitas, eo minorem continebit sphæræ segmentum. Vidimus in omnibus guttulis ma-

ioribus, minoribus, & exilissimis ad hanc sphæricam inducendam figuram esse potentiam, & unam arripere alteram; quid ergo eam negabimus in minimis particulis? Certe nulla mihi remanere dubitandi videtur ratio. Hoc concessso, omnibus particulis adesse vim congregandi, illa vis erit major, ubi major harum particularum reperitur copia sese multuo tangentium: quum vero nulla potest excogitari linea longior, quæque plures possidet particulas tales, quam linea per centra & contactus punctum transiens, illa ergo reliquas omnes superabit congregandi potentia, & accendent partes remotissimæ, donec omnes inter se sint æquales: hoc est, quando duæ guttulæ unam sphæram constituerint. An inde non judicabis patere, quod globuli sanguinis in nostro corpore exacte debeant esse rotundi, ut & serosi, quod in alio natant fluido? utique, licet insuper non sit negandum, circulationis efficacia eandem eos adipisci figuram.

5.

Partes cujuscumque liquidi homogenei, vel exacte mixti, facilius inter se moveri possunt, quam separari. Tentate quæso partem guttulæ olei innatantis aquæ ab ea separare motu non admodum valido, potius integra subsequetur gutta, quam ut aliquam ejus amittat partem: imo satis magna quantitas olei libere innatans aquæ exiguo instrumento, tentante minimam ab oleo separare portiunculam, per totam aquæ superficiem patietur duci. Quo docemur, minorem ad motum intestinum liquoribus inducendum requiri vim, quam ad eorum dissolutionem: & insuper scimus, quare suctione principia canalium depleta protinus quoque impletantur, quod scilicet præcedens liquor secum ducat sequentem. Hujus rei veritas manifestatur, si habeatur vas aliquod aqua vel alio liquore plenum, in cuius fundo hæret canalis apertus, transitum præbens liquori. Notetur accurate tempus, quo per

per hunc canalem vas potest depleri. Impleatur idem vas iterum eodem liquore, & applicetur tunc fistula ejusdem amplitudinis, ut est canalis in fundo vasis, canali, per quem transibit liquor, tunc major quantitas eodem temporis spatio fluet per idem foramen seu canalem vasis, quam antea fistula non applicata, & vas citius depletum erit; quod præcedens liquor in fistula secum ducat vel trahat sequentem, ejusque motum acceleret.

6.

Hæc cohærendi potestas major potest fieri in eodem liquido & minor. Oleosa enim quævis & gelatinosa in frigore magis cohærent quam in calore, ut & omnes nostri corporis humores: dicat quis, frigus minuit particularum in fluido motum, & ideo tenacius cohærent. Concedo, non enim rogamus, unde illa major provenit cohæsio, sed dicimus tantum id fieri posse. Multæ forsan sunt causæ nos latentes, quod hæc doctrina non satis fuerit exculta, quæ partibus fluidis majorem coadunandi conciliare possent vim: in solidis res est clarior, chalybs enim sola affrictione magnetis aliud ferrum potenter allicit. Ipsum quoque ferrum & chalybs aliaque metalla magis minusve reperiuntur tenacia, prout vario pertractata fuerint modo. Quidni ergo hoc quoque in fluidis? nonne sanguis stipticorum attachu vehementer concrescit, & ejus serum in massam scissilem? quam maxime, ne quidem ejus tenuissima lympha dimittitur, sed una cum reliquis in corpus convertitur solidum.

Ut potest augeri, ita e contrario non parum potest de hac amittere potestate: sic sanguis & pus in abscessu, maceratione & putredine, crassissimi sane liquores in fœtentem & tenuem convertuntur ichorem. Ita viscidii quoque in corpore stagnantes humores, in tenuem acerrimum omnia perrodentem convertuntur saniem. Nonne observatum fuit Practicis, aëris infectionem pestilentialem brevi totam

dissolvisse sanguinis Massam, ut educta ejus portio ne quidem in frigore concreceret stagnans? quid agit fermentatio in vegetabilium partem oleosam? nonne illa in spiritum inflammabilem mutata multo minus cohæret? intelligimus ex his, non opus esse ad Secretionem humoris alicujus crassioris vel tenuioris, ut talis existat prius; peracta enim Secretione fieri potest hoc modo crassior magisque cohærens, vel tenuior & magis fluidus: & aliam omnino ratione consistentiae adipisci indolem, Secretione peracta.

7.

Et in humore, licet accuratissime permisto, idem (6) potest quibusdam tantum conciliari partibus, reliquis intactis. Multo pauciores, quam vulgus judicat, reperiuntur simplices non permisti liquores, & forsitan nullus purus potest exhiberi in universo: aqua enim purissima sponte putrescit sensim & in diversa abit corpora: quis unquam oleum nullo alio permistum elemento collegit seorsim? sed vero liquor in omni parte sensibili sibi similis homogeneus ut plurimum statuit humor. Sic muria salium ex omni parte pellucida & æqualis, & sanguis veniens ex pulmonum officina, oculo examinata nudo homogenea videntur liquida: quid aliud lac recens ex uberibus deductum? ita quoque solutiones omnes metallorum ponderosissimæ, & mineralium atque vegetabilium eductæ in convenienti menstruo tinturæ, quibus chemicorum passim scatent libri. Horum omnium, licet videantur homogenea, partibus tamen quibusdam possumus augere & minuere cohæsionem. Quid aliud coagulum in lacte? quid præcipitantes affusi solutionibus metallorum liquores, atque mineralium ac vegetabilium tinturis, aliud agunt, quam certis partibus in isto liquido conciliare majorem congregandi facultatem, qua sese mutuo arripiunt, & a reliquo liberant humoris conjugio? Non fit ut salium crystallizatio, aut particularum proximior adductio, quod de-

ma-

DE SECRETIONE HUM.

7

matur vehiculum, quod partes retinebat segregatas: imo augebitur affusione coaguli vehiculi quantitas, & tamen concrescunt. Ita etiam acida mineralia & spirituosa fermentata pura, nonne fortius sanguinem concrescere faciunt illi mista, quam ex sua propria indole? quae tamen propter copiosius vehiculum separatas retinere debuissent partes. An ergo impossibile unam sistere tantum Secretionem exhibito Medicamine, & reliquas non attingere? quum ipse sanguis ad oculum in tot varias separetur partes, & peculiaris liquor secernendus ex suo speciali est petendus cum reliqua massa permisto humore. Videmus hinc facile, cur adstringentia quædam incrassare valent sanguinem, chylum vero & lympham in intestinis & Mesenterio nihil inde mutari.

Non minus valet ars in quarundam specialium partium cujusdam fluidi attractione privanda. Percurrite multos Chemicorum processus, & miras videbitis hujusmodi operationes; sales etenim alcalini sponte liquefcunt aqua, quos tamen alcohol penetrantissimum resinosis Menstruum ne quidem attingit; nonne alias ex eadem planta spiritu vini, alcohol, aut aquâ eductæ tinturæ possident vires? quare Cantharides renibus, Mercurius ori, & purgantia intestinis infesta? certe non quod mutent tantum illa organa, aut totam solvant sanguinis miscelam, sed unam præ aliis sanguinis per illa loca derivandam dissolvant partem. Multa enim purgantium infusa animalium injecta venis sollicitant non minus intestina, ac si per os fuissent assumta: nec refert cuicumque parti corporis Mercurius aut Cantharides fuerint applicatae, absorpta venis eorum vis salivæ & urinæ agreditur organa, & copiosam educunt ex illis partibus quantitatem liquoris.

8.

Copiosum vehiculum valet partes concrescibles separatas tenere,

nere, & minor quantitas concretioni favet. Quid salium impedit conversionem in crystallos? aquæ certe abundantia eorum retinet partes sejunctas, quod longius distant quam ut possent insita sua concrescendi vi ab aquæ consortio sese liberare, sed demta aliqua vehiculi quantitate tot coëant partes, donec iterum vehiculi quantitas vim superat concrescendi; nova deinceps instituatur evaporatio, donec iterum pellicula appareat in superficie liquoris, novæ in quiete prodibunt salium crystalli, sic aquæ abundantia potest omne urinæ auferre sedimentum; cuius vero penuria copiosum exhibet & crassum. An inde non patet, quare sanguis ruber debeat in arteriis tantum contineri & venis? ut liquor secernendus magna liberaretur vehiculi quantitate, quo partes ejusdem naturæ minus distarent, & promptius coïrent.

9.

Quædam non nisi copioso, alia quam minimo separata tenentur vehiculo. Saccharum & salia alcalia minimo liquoris quantitate fluida servantur, at tartari tremor magnam quantitatem aquæ ad salis pondus requirit, ut maneat fluidus. Alia minorem, alia majorem exigunt quantitatem, ut chemica experimenta certissime evincunt. Sanguinis ipsa portio rubra valde concrescibilis, aquæ abundantiâ diluta, a concretione servatur; at serum minore, & lympha nullo permista liquido remanet fluida. An ergo mirum, sanguinis globulos tantum in arteriis retineri & venis, quum potius similibus quam aliis sanguinis uniantur partibus, & persequantur priores, quam ut in lateralia, quorum priora orificia admittere possent globulos, intrarent; hoc quoque multum facit ad sanguinis rubri resorptionem e vasibus alias pellucidis, cessante impulsu validiore a tergo: vasorum enim contractio sola pellit contentum æque ante ac retro in ramis arteriosis valvulis destitutis, minima ergo pressio, quæ semper viget in corpore vivente,

te, a corde per truncum arteriæ ad ramos, valet impulsum sanguinem in minoribus ab arteriis derivatis vasculis retinere impactum, & recursum præpedire. Sed vero hæc uniendi cum similibus potentia, simul ac minuitur propellendi vigor, allicit ex ipsis vasculis, quæ validiori motu a tergo hanc superante vim tenebantur seclusa: quod attractu globulorum sanguineorum in arteriis a tergo, non vero alibi, urgeantur retrorsum fluere. Quid judicabimus de sero? Nonne illud, globulis liberatum rubris, per propria postea ductum vascula, motu magis placido, idem posset efficere, ut sanguinis in arteriis pars rubra? Sic enim magis unitæ hærent in sero particulæ minus concrescibiles quam globuli rubri, quæ insuper liberatæ parte aquosa tenuissima ad concretionem disponuntur. An lympha iterum in alios separetur liquores distinctos, haud possumus determinare. Ex his tamen constat certissime, particulas parti serosæ tantum aut lymphæ miscibiles proprius ad se invicem accedere; & eadem ex causa, sic demto vehiculo, uniri & a reliqua separari massa, quod erat iis ob nimiam particularum distantiam impossibile: atque sic varios secretos producere liquores. Sic alii ex sanguine, alii ex sero, alii ex lympha sequestrantur liquores, & eo tantum nomine, quod non æqualis requiratur vehiculi in omnibus quantitas, cum sanguini majore, sero minore, & lymphæ exigua est opus quantitate, qua eorum particulæ in fluore conservantur.

10.

Copiosum vehiculum valet partes permitti liquoris separare.
 Resinosa permista alcohole ab aquæ affusione separantur; sic in omnibus menstruis, quæ duobus diversis poslunt misceri corporibus, ut spiritus inflammabiles cum aqua & oleo, sola dilutione tertii, quod alteri non potest conjungi, perficitur separatio. An ideo tot nervi ad glandulas, quæ vix sensu gaudent aut motu, ut affusione succi nervosi in tali organo pe-

B

cu-

culiaris liquoris fieret secretio? An inde non patet, a morbis staminis nervosi miras prodire & insolitas secretiones? Illasque quoque sisti augerique posse & perturbari ab animi pathematibus, quæ vehementer in nervis operantur? & multa alia obscura, alias non intelligibilia, nunc facillime exponi?

II.

Fluidum gravius permistum leviori non semper fundum petit vasis. Omnia fluida non ejusdem esse ponderis quis ignorat? Eorum quædam verbi gratia misceri possunt aquæ, alia vero ejus refugiunt consortium, quæ non miscentur, in fundo vasis aquam continentis, si graviora sunt, inveniuntur; alia vero aquæ miscibilia, ut salium solutiones omnes seu muriæ, & spiritus ponderosi acidi ex sale marino, nitro, & vitriolo, atque multa alia, tam exacte per omnes distribuuntur aquæ partes, ut nulla inveniatur in superiore vel inferiore parte liquoris permisti differentia: hoc quoque in aliis fieri liquoribus confusis, non est opus demonstrare: imo ponderosissima solida, ut est aurum & plumbum, in suo speciali distributa menstruo, æque copiosa in superficie, quam circa fundum reperiuntur. nec ponderosissimus liquidorum Mercurius menstrui relinquit claustra. patet ergo clarissime, si in nostro sanguine esset fluidum vel solidum quævis gravissimum, quod accuratissime posset illi permisceri, specifica sua gravitate superiorem vel inferiorem non servare canalium locum. Quænam vero sit causa, quare gravissima sustineantur levioribus, videbimus paucis. Innatæ aquæ aurum, aliudque omne ponderosissimorum genus in bracteam tenuissimam malleis extensem; verum cum aqua vel alio fluido leviori mistum, vasis solet petere fundum tardissime, & quo magis divisum, eo languidior descendens; si ergo ejus extensio augeretur in infinitum, metallum hæreret in medio fluidi sustentum, quod specifica gravitas in minutissimis particulis non valeat cohæsionem fluidi, sua pro-

portione superficie ad contentam materiem divisione nimis aductâ, superare; sed præter hanc divisionem aliud præterea requiritur ad intimam perficiendam miscelam, naturalis quædam scilicet convenientia inter partes permistas, quâ una alteram adducat in consortium. Nonne aqua solvit salem? Nonne spiritus nitri ponderosissima metalla, & allicit sursum? Si hoc penderet ab aucta partium superficie ad materiæ quantitatem in volumine contentæ, certe non magis sursum quam deorsum in quiescente fluido fererentur; at tenacissime in una eademque parte hærerent liquoris: sed vero naturalis congregandi potentia, permiscendo conveniens, partes graviores allicit sursum, qua vero (6) sublata, ut vidimus in omnibus præcipitationibus chemicorum, per affusionem liquoris, vel immersionem alicujus solidi, quod menstrui destruit vim, vel per dilutionem, quæ menstrui ita disjungit partes, ut paucissimæ junctæ maneant partes menstrui metallorum partibus, graviora petent inferiora vasis. Notum est ergo, partes graviores in sanguine, quamdiu earum cum reliqua massa habetur accuratissima permistio, sua specifica gravitate sese non posse liberare, & huc usque specialem non producere secretionem; sed tum demum, quando per aliquam causam intimam unionem cum reliquo liquore exuerint.

12.

Fluidum permistum ex graviore & leviore liquore intime, in altum vel horizontaliter projectum, non separat graviora a levioribus, sed permistum manet, ac si quiesceret fluidum. Corpora gravia eadem velocitate mota diutius continuare motum, & ad rectam magis quam leviora accedere lineam, res est notissima, a nemine refutanda; id obtinet in corporibus solidis per idem medium motis: hoc autem à fluidis exactissime permistis fieri posse non satis intelligo. Quid eveniet, muria salium, vel metallorum quævis si profiliat sursum solutio, nonne partes menstrui eandem ac salium aut metallorum attingent altitudinem? Certe hoc comprobant experimenta.

Sed vero corpora solida, gravitatis diversæ, eadem velocitate sursum per aërem pulsa, quo sunt graviora, eo altius ascendent; quod eorum superficies, ratione molis, ad superandam medii resistentiam sit minor, & corpora leviora in superficie proportionaliter majorem patiantur resistentiam; quod demto aere resistente in vacuo Boyleano nequaquam contigisset. Quid fiet insuper, talis liquor si profiliat horizontaliter vel alia directione quadam? num movebuntur partes salinæ vel metallicæ magis quam menstrui, directione magis ad lineam rectam accidente? nequaquam, experimenta non suffragantur. Potest ergo ex gravitate partium in sanguine, celeritate earum, aut motus directione, nulla fieri secretionis differentia, si concipiatur sanguis tanquam fluidum intime permistum.

13.

Liquidum, constans partibus diversæ gravitatis, profiliat verticaliter vel horizontaliter, ejus partes, quæ in quiete fundum vasis petivissent, minus alte ascendent, & inferiorem partem servabunt parabolæ. Sumatur aqua cum arena vel aliis corpusculis exilissimis aquâ gravioribus mixta, & instar fontis profiliat sursum adeo, ut liquidi directio aliquantulum inclinetur, (alias enim a sub sequente liquido iterum evanescet arena, & erit in superficie columnæ motus perturbatus.) arena tunc eandem, ut aqua, non attinget altitudinem, & in parabola ejus inferiorem retinebit arena partem: dum enim aqua ita profilit, partes juxta se quiescunt, quæ in his graviora, specifica gravitate interim descendent (23), dum tota massa moveatur verticaliter, vel horizontaliter. Quod adhuc clarius patet, si talis columna profiliens coercentur canali, arena retinebitur in canali, & supra effluet aqua pura: quare in fontium canalibus tanta colligitur sordium copia. Patet ergo partes sanguinis graviores, & in quiete descendentes, minus ferri ad cerebrum, si feratur sanguis sur-

surgum e sinistro cordis ventriculo per incurvatum aortam in superiore curvaturae parte carotides emittentem, quando statuitur motus ibidem placidus; si perturbatus fuerit, vix aliqua erit statuenda differentia. Concedamus, principio propulsionis graviora celeritate prævenire alia leviora, tam exigua haec esset differentia, ut vix notabilis. Arena vi projecta in aquam quo usque penetrabit? statim cessabit motus impressus, & descendet propria tantum gravitate, hic habemus maximam tamen differentiam gravitatis & motus. Quid fieret, si siphonis ope una cum aqua in aliam stagnantem impelleretur oblique? Certe tam parva esset discrepancia progressus, ut observari vix posset. Quare non video aliquam posse statui fieri secretionem peculiarem gravitate partium productam, quam illam, quæ contingit descensu gravitatis specificæ, cui etiam parum habendum est fidei: quippe non semper in eodem situ, quoad horizontem, nostrum sese habet corpus; sanguis fertur in arteriis motu ita perturbato aut inæquali, ut vix detur sat temporis gravioribus partibus ad descendendum; & denique inter partes sanguinem constituentes nulla fere invenitur gravitatis differentia.

14.

Graviora tamen mixta liquida leviori, totius massæ impetum in obstaculum resistens adaugent. Ex hac permitione massa fluidi sit specifice gravior, & cum impetus duorum corporum eadem velocitate latorum in obstaculum sint ut quantitates materiæ, itaque massa ab admitione gravior facta vehementius fertur in obstaculum, potest ab hac causa obstaculum removeri, aut si resistere nequeat, rumpi. An ideo aquosa sanguine leviora refrigerant corpus, & ingesta graviora calefaciunt idem, quod sanguis gravitate majore validior rem inducat attritum. hoc fieret semper, si non simul aliud quid ageretur in corpore hunc effectum præpediens.

B 3

Non-

Nonne ex tali massâ sanguineâ copiosior erat deducenda secretio, quod majore impetu dilatet secretoria? Hæ partes graviores si unico tantum speciali liquidorum generi possint uniri (7); nonne illa secretio sola adaugebitur reliquis intactis quandoque? Sic Mercurius salivoso mistus liquori ductus aperit, & salivam fundere facit.

15.

Duo liquores confusi in corpus veluti solidum possunt converti, sola permissione. Sic spiritus alcalinus purissimus cum alcohole in massam albam solidam convertitur, quæ offa dicitur Helle montiana. Sic acetum lithargyrii cum oleo conteritur in unguentum nutritum, & multa alia hoc modo coeunt sine separatione tenuioris: nemo tamen judicet, nos velle in nostro corpore id quoque fieri a liquoribus hujusmodi, sed demonstrare volumus, id esse possibile & forsan in corpore observari. Nonne serum sanguinis ab alcohole & acidis mineralibus coit? Nonne ad unam secretionem vel liquorem alicubi conficiendum duo confunduntur humores? ut fit ad oblinienda ossium extrema. Sic liquor seminalis e testibus, & aliis ex prostatis, confunduntur ante ejaculationem; an vero, ex hac mistura quosdam crassescere in loculis post secretionem humores, absurdum esset credere?

16.

Aut alter eorum multas format, in reliquo liquido natantes, sphærulas, quod minori sit copia, vel congregandi prævaleat potentia. Hoc naturale esse & insitum omnibus liquoribus, ut superius (4) demonstravimus, in alio fluido natantibus vel submersis, nemo non novit: sed observare id genus liquidorum, cuius partes tenacius cohærent in alio fluido, etiam si ejusdem quantitatis, in globum formari, ad conformatiōnē globulorum in sanguine egregia præstat: sic enim fa-

facile ex lege naturali, omnibus insita fluidis, cognoscimus, sponte fluida ejusdem indolis in globulos uniri, quæ formatio circumrotatione partium in fluidis, allisione ad se invicem & ad solida, atque compressione vasorum cylindricorum, ad perfectionem deducitur; ita revera partes formantur in sanguine magnitudine appropriata certo cuidam generi vasorum, non per alia secernendæ. Tanta observatur in hoc casu uniendi potentia, ut major hujus etiam quantitas hanc attamen induat figuram, reliquo liquore relicta inter sphæras spatia replente; quare non semper opus, ut seri quantitas superet globulorum rubrorum quantitatem.

17.

Quædam fluida facile, alia autem difficile idem arripiunt solidum. Hæc est altera pars proprietatum (4). Quis nunquam observavit abaculos, scandulas, aut vitra illin ta prius pinguedine vel oleo, & iterum detersa, nec aquam nec atramentum fuscipere, sed respuere illa; pingua vero tunc omnia tenacissime adhærere? Nonne charta aut calamus pinguedine perficta scribendo redduntur inepta? Sic anseres, olores, & anates, pulchro sane spectaculo, splendentium gemmarum instar, aquam pellucidam per dorsum dejiciunt, eorum plumas non madefacientem; nec tubuli vitrei exigui & sicci, licet submergantur, recipiunt aquam: nonne Mercurius auro avidissime sese adjungit, qui omnium fere reliquorum refugit consortium? Talia plurima dantur hujusmodi exempla: quidni idem contingere posset in corpore humano, aquosa minus adhærere cellulis pinguedinis, quibus tamen pars oleosa atripitur promptissime? & vasis sympatheticis vix applicari posse, ut hæreat, pingue? Revera cuicumque solido specialis tribuenda est indoles, qua hoc præ illo eligit fluidi genus, cui facilius sese unit, & quod difficilius dimittit. Hoc potest ergo etiam inter constantissimas secretionum recitari causas, quod faciat ad sibi specialem

lem in reliqua sanguinis massa eliciendam partem , quam arripit solidum , & separat ab aliis huic generi solidorum minus adhærentibus.

18.

Motus parallelus fluidi cum solido convenienter facilior omni modo alio. Tam diu descendet gutta liquoris per solidi superficiem , donec superficie reflexione subsistere cogatur ; potius hærebit ibidem contra naturalem gravitatem , quam remitteret solidum : at vero alio inferius si tangatur corpore , prius relinquet corpus , & jungetur alteri inferius tangenti , atque suam consequetur gravitatem. An ergo mirum , liquores ad cutaneos poros , licet satis patulos , detrusos facilius subsequi circulantes quam expelli ; quod in circulatione sit continuatio vasorum?

19.

Quidam liquores faciliter aliis juxta solida moventur. Quædam fluida tenacissime ita adhærent solidis , ut juxta solidi superficiem non nisi vi se patientur moveri paralelē ; alia quidem facillime : & liquida multum inter se differunt sola hac cohæsionis differentia. Sic oleosa promptius solida arripiunt aquosis , & aquosa faciliter derelinquunt solida. Quare ergo in liquido fluente , quod constat aqua & oleo , per minutissimos canales , retinebitur oleolum ad latera canarium & perfluet aqua. An ob hanc causam ubique per totum corpus , sine glandulosâ machinâ , in vasculis lateralibus pinguedinosis colligitur oleum ? Hoc statuere non videtur absurdum. Colligitur enim pinguedo in carne , & medulla in osibus , vitâ otiosâ , quæ iterum absuntur nimis excrucitato corpore ; quod motu placidissimo circulationis prævaleat cohæsio oleosi cum solidis impetu separationis : in motu autem validiore superat impetus momentum cohæsionis.

nis: Nonne hinc intelligitur, quare post morbos, in quibus validus fuit pulsus, tanta oriatur corporis extenuatio. sola pinguedinis abstumtione? Cur animalibus paulo ante matationem exercitatis parum in ossibus medullæ? Ad hoc investigandum, tubulos minimos vitreos immisi oleo & aquæ, vidi semper celerrime ascendere aquam, tardius vero oleum: hoc ex olei cohæsione majore ad internam canalis superficiem evenire quis dubitaret credere?

20.

Tubuli vitrei minimi, intus madidi, & utraque extremitate aperti, liquori altera extremitate immersi, eum intus recipiunt, & ascendere faciunt supra reliquam liquoris superficiem. Sumatur tubulus pellucidus, & liquor aliquis coloratus, ut per tubuli substantiam coloratum conspicere valeamus liquorem, si ascendat; ducatur tunc suctione vel efflatione talis liquor, cui immergendus est tubulus, per tubulum, ut madescat intus, expulso iterum liquore, & humectatus ac depletus tubus committatur altera extremitate liquori, pulchro sane spectaculo videbis, subito ascendere, si tubulus sit valde exiguus seu tenuis, liquorem plus quam ad altitudinem duorum pollicum supra liquoris superficiem: si talis eximatur impletus, liquor non exstilabit, sed haeredit a tubo detenus: & quod magis est, si exprimatur flatu liquidum ut gutta pendeat ex inferiore tubi extremitate, statim ac cessaverit pressura, recipietur gutta in tubulum, & sursum feretur. Hujus ascensus causa contra naturalem gravitatem oritur ex inæquali pressione vel alia causa. Inæqualis pressio debet nasci, quod eodem momento, ac immittatur tubulus tantum in eo loco superficie, minor fiat pressio, verum quum tubulus sit apertus & non præcludatur accessus aeris, nulla ergo potest liquor differentia pressionis a tubulo induci. Non est ergo differentia pressionis sed alia causa, quæ in tubulum dicit sursum liquorem. Nullam aliam possum assignare, quam na-

turalem congregandi inter similes liquores, & solidorum cum fluidis, potentiam, quæ mihi non magis quam gravitas est nota: eam negare si quis vellet, eodem quoque jure ipsam omnibus notam gravitatem in dubium posset vocare. Negant; concedamus; non esse vim attractricem; ipsa vero experimenta non poterunt refutare; quare ex iis ad secretiones explicandas deducemus conclusiones. Constat ergo, si ex canali secretorio vel excretorio, cuius altera extremitas attingit liquidum circulans, educatur liquor, statim a fluido circulante, sine pressione a tergo cordis, impletum iri. Nonne ergo intelligitur, quomodo canales minimi excretorii pressione, suctione, vel alia causa depleti, sponte iterum impleantur? Ex dictis etiam est evidens, cur, aliquis sudore madidus si corripiat frigore febrili, statim dispareat omnis sudor: non avolat certe tam subito, sed, cessante motu sudorem propellente, sudor recipitur intus, ut fieri vidimus in præcedenti experimen- to tubuli guttulam ab inferna extremitate etiam sursum ducentis. Sic absorptio quoque fit ex cavitatibus corporis, quam, infausto successu, per pressionem externam multi explicare sunt conati.

21.

Quo tubulus angustior, eo altior liquoris ascensus. Vidi semper in præcedenti experimento altitudinem liquoris ascendentis respondere amplitudini canalis: hoc est, quo plures par- tes liquidi contenti tangant superficiem internam tubuli, eo altior ascensus. In cylindro angustissimo plus esse superfi- ciei ad contentum, quam in alio quovis ampliore, nemo, nisi hospes in solidorum dimensione, ignorat: quo itaque est superficies major, eo quoque plures tangunt ejusdem li- quoris partes vas continens: ex hoc attractu oriri ascensum superius demonstravimus, & hoc etiam experimento certif- sime evincitur. Intelligitur hinc facile ad implendos cana- liculos secretorios tanta non opus esse vi a corde, ut multi egregii viri putarunt: at sponte, quod possint facilius quam ma-

majora impleri vasa. Non debemus ergo inquirere vim ingentem in corde, & in trunko venæ portarum, quæ pelleret sanguinem per ultima vasa tenuissima, quum motus fluidorum ab hac potentia quam maxime promoveatur.

22.

Tales tubuli exigui liquore semiplenis invertantur, liquor in iis descendet non vero exstilabit. Dum invertatur tubulus, descendere debet liquor, quod æqualis maneat in utroque canalis extremitate partium attactus, hic ergo non impediet descensum liquoris. Quare gravitate propria descendit deorsum; non vero exstillat, quoniam motus fluidi facilior ad latera solidorum, quam ejus separatio, ut superius (18.) demonstratum. Requiritur ergo vis major ad propellendum liquidum, ut deserat canalem, quam per canalem continuum. An ideo non manifestum, nervorum tubulos exilissimos, & tenuissima lymphaticorum & excretoriorum vasa, licet abscondantur, non exstillare contentum per ea integra continuo rivo circulans? utique fere omnibus pedunculis fructuum abscissis nullus exstillabit succus, qui tamen abundanti copia perfluebat integrum.

23.

Liquor concrescibilis motu non perturbato fluens per canalem, æque facile fere, ac si quiesceret, concrescere potest. In hoc liquido nullus supponitur motus intestinus, seu partium perturbationes, adeoque tanquam corpus quiescens potest considerari, juxta cuius exteriorem superficiem aliud movetur corpus, nihil ergo aliud patitur hoc fluidum nisi affrictus in ejus superficie, & hanc ob causam tantummodo impediretur concretio partium, sed verò partes interiores ab hoc attritu non agitatæ æque facile, ac si quiescerent, concrescere possunt. Quo ergo canales sunt ampliores cæteris paribus, eo pauciores liquidi a vase continguntur partes, quare ibidem facilis,

lius, quam in minoribus, fieri potest concretio; hinc toties in arteriis & venis polyposæ concretiones. An ideo tot plexus operosi arteriarum, ut concretus quodammodo sanguis iterum dissolveretur, antequam ex eo fiat secretio? qui concursus varius, prout magis minusve iterum ejus ope dissolvantur sanguis, & intimius permisceatur, diversas nonne posset exhibere secretiones? Hoc sane fieri videtur ex mirabili & vario arteriarum discursu, a Clarissimo Ruyschio in omnibus fere visceribus secretoriis demonstrato.

24.

Motus liquidi circa axin canalis est celerrimus. Cum fluidum aliquod moveatur per canalem, una pars fluidi non impediret alterius progressionem, sed simul procederent eadem velocitate, si nulla exterius esset remora; verum partes fluidi latera canalis tangentes, ab iis in motu retardantur: in partibus ergo fluidi exterioribus erit motus tardior; haec iterum interiores particulas fluidi remorantur tangentes, minus tamen quam latera canalis partes exteriores: illæ rursus eodem modo alias interiores, usque ad partes maxime a lateribus distantes, hoc est in axi canalis: quare haec partes, quod omnium minime remoram patiantur, velociores omnibus promoventur: per illa ergo vasa, quæ directe fluidum excipiunt a medio canalis, velocitas debet esse major, quam per illa, quæ ex lateribus prodeunt canalis. Quum vero propter hanc rationem omnes partes fluidi non procedant eadem velocitate, motus suscitatur intestinus & circumrotatio partium; nam omnes particulae exterius versus latera canalis remoram patiuntur, quarum simul altera pars interius propellitur; ex quibus duobus oppositis motibus circumrotantur particulae. Conservatur fluiditas, & impeditur hac actione concretio quodammodo in magnis vasis, quæ alias esset inevitabilis ex naturali sanguinis concretione; & partes majores insphæricam formantur, ut postea patebit (29), figuram: haec dif-

differentia cessat in minimis canalibus, quorum diametri respondent diametris partium magnitudine. Haberi ergo possunt variæ secretiones prout vala secretoria ex majoribus aut minoribus oriantur canalibus.

25.

Partes liquidi fluentis per canalem tenuissimæ, mobilissimæ, lœvissimæ axim petunt canalis, glutinosæ vero, tenaces, & minus mobiles lambunt latera canalis. Si liquor sit homogeneus, indifferenter omnes partes circa axin celerius moventur (24), verum si sit liquor permistus, glutinosæ partes tenacius adhærent lateribus, & juxta canalis latera movebuntur; majore enim est opus vi, quæ glutinosas semel applicatas separat, & juxta latera movet, quam ad separandas & propellendas lœvissimas & mobilissimas, hæ ergo circa canalis axin movebuntur. Sic vidimus in fluviis fordæ ad latera colligi & cryptas. Hinc iterum nova distinctio secretionis ex vario vasorum ortu.

26.

Velocitates liquidi per canalem ubique non ejusdem amplitudinis fluentis sunt inter se, ut inverse quadrata diametrorum hujus canalis. Notum est, si duo cylindri ejusdem longitudinis, non vero amplitudinis ejusdem, liquido implentur eodem, hæc liquida quantitate tantum inter se differre, quantum differunt quadrata diametrorum: Si ergo eadem quantitas, eodem temporis spatio, per hos diversos cylindros transire debeat, tunc tanto tardior debet esse motus in cylindro ampliore, quanto majorem possidet copiam, & quantitates differunt inter se ut quadrata diametrorum, ergo velocitates liquidi sunt inter se ut inverse quadrata diametrorum. Si ergo omnes diametri ramorum, quod a multis accurata instituta dimensione est comprobatum, simul sumtæ superant

C 3

qua-

quadratum trunci arteriæ , in ramis tardior erit, quam in trunco motus sanguinis. Observatum præterea est, in omnibus ramis eandem non servari proportionem ad truncum, habetur ergo ubique non ejusdem in corpore velocitatis ratio: & possunt ex hac causa diversi sequestrari liquores, qui determinatam ad eorum secretionem requirunt velocitatem.

27.

Sanguinis propria indoles secretionibus favet. Absoluto examine omnium , quas sanguis communes habet cum cæteris humoribus , proprietates, (3 hucusque) quatenus aliquid tribuant secretioni, restat in hoc articulo reliquas perscrutemur, quas sanguis solus fere possidet. Pronunciamus primo generaliter sanguinem in se peculiares quasdam habere dotes , quibus quam maxime favet plurimis secretionibus , nulla imitandis arte ex alio liquore. quis unquam paravit liquorem ex tot diversis magnitudine constantem globulis sphæricis, tali potentia concrescendi ditatis , in liquore minus concrescibili , qui etiam in omni sua parte non est sibi similis , natantibus , & debita magnitudine vasculis minimis respondentibus? nulla sane ars hoc æmulari potuit , nequidem corpora animalia suis organis illum perficere potuere omni dote eundem. Nonne hoc satis evincunt sanguinis transfusiones vanis successibus institutæ? imo hominis fani sanguis in corpore receptus ægroto ipsi non restituit sanitatem , nec corpori senecto aut languido a sanguine juvenili vires unquam fuere restitutæ; sed unicuique propria & specialis est sanguinis indoles, ex quo tantum possunt sequestrari , non vero ex alieno , humores.

28.

Sanguis constat partibus magnitudinis variæ. Sanguis calcens e corpore vivo receptus tubulo tenuissimo vitro &

ap-

applicatus microscopio, statim exhibebit conspectui liquorem rubrum ex variæ magnitudinis particulis constantem; maximæ earum rubro colore sunt imbutæ, minores vero dilutioris sunt coloris & magis perspicuæ, quæ iterum natant in liquore pellucido, cujus partes propter tenuitatem & pelluciditatem non conspicuntur microscopio. An vero lympha hæc tenuis diaphana iterum ex aliis majoribus & minoribus constet, visu detegere non potui; ratio tamen suadet, credamus. Possimus ex hoc summo jure concludere, si talis sanguis tranare debeat per vas arteriosum aliquod, ex quo oriuntur rami laterales, cujus diametri sunt minores diametris globulorum rubrorum, in eos tantum intrare serum & lympham, & reliquam partem rubram contineri in arteriis ipsis: & iterum, si dentur adhuc minora orificia, per illa tantummodo intrare lympham, seclusis ceteris. Talia inventi vascula & orificia inferius (39) probabitur; possunt itaque sola magnitudine particularum per poros varios quædam fieri secretiones.

29.

Partes visibles in sanguine sphæricam habent figuram. Mirum est observare microscopio sanguinis in tali tubulo recepti partes visibles exacte apparere rotundas, verum si conspiciantur globuli in anguilla, & alis vespertilionum, aliisque animalibus, circulantes per vasa minutissima, a lateribus illorum vasculorum cylindricam adipiscuntur figuram; liberatae vero a compressione iterum fiunt sphæricæ. An vero partes lymphæ etiam ut sanguinis rubri & seri sint globulosæ, haud definire possumus: dictat tamen ratio, ut ex dictis patebit. Omnis sanguis noster fertur per canales, in majoribus est motus celerrimus circa axim (24), ergo circumrotatio partium, & inde figuram omnes obtinent sphæricam. Excogitate figuratum quodlibet corpus, non vero sphæricum, circumrotari in medio resistente, nonne semper emi-

eminentibus angulis fortius feret resistens , quam qualibet parte alia? distant enim partes in mucrone eminente longius a centro , circum quod rotatur corpus , quam quævis aliæ , celeriores itaque progrediuntur omnibus aliis , & majore impetu in obstaculum incurront : generale est insuper dogma , actionem omnem reactioni esse æqualem , plus ergo patiuntur partes in mucrone quam in ullis aliis , quare mucro sensim deteritur , aut complanatur , donec in omni parte istius corpusculi sit eminentia æqualis , hoc est , quando in sphæram fuerit commutatum corpusculum . Quæ ingesta , aut in corpore nostro nata , sunt duriora , quam ut possint in sphærulas conformari , nobis erunt venena vasa nostra perforantia . Juvatur insuper formatio in sphærulas a concava interna vasorum superficie cylindrica : imo in vasis minoribus , per quæ una tantum simul particula potest transire , quam maxime perficitur globulorum configuratio , nam aliqua particula in tali vasculo jam hoc , jam vero illo modo compressa , ex quævis alia figura in sphæricam debet commutari , accedit insuper naturalis indoles duorum diversorum permistorum , quorum alter sponte semper in guttulas sphæricas colligitur , in alio natans fluido (Δ) . Sanguinem vero non esse liquidum homogeneum ipsius spontanea satis evincit separatio in quiete . Cum ergo & conspectu & naturali actione motus sanguinis globuli sanguinei & serosi fieri debeant sphærici , quare non statuere liceret , reliquum etiam liquorem diaphanum ex ejusdem figuræ particulis constare : ab eadem veniunt origine , idem quoque patiuntur in circulatione . Utique probabilior est hæc sententia omni aliâ , quæ aliam adscriberet figuram particulis ; quippe nec hi , nec nos figuram earum probare possumus visu , verum analogia cum aliis partibus sanguinis habita pro nostra pugnat sententia . Tamen fatendum , nova ingesta statim non suppeditare ex sphærulis constantem liquorem . Quisquis ex his intelligit facile , quid faceret varia particularum figura per figurata foramina cribri ad varias exhibendas secretiones , quum nec ipsa cribra

nul-

nullibi in corpore sint inventa. Hanc hypothesin , ut & multas alias non lubet ulterius persequi, ne multum teratur tempus, & tedium creetur lectoribus. Animus est illa proponere, quæ mihi vera videntur, quid alii sentiant non examinabo, tantum veritatem proponendo palmam auferre tentandum, non vero calumniis , convitiis aut refutationibus Medicam retardantibus scientiam ; ad solum enim Lydium lapidem, seu veritatem examinanda sunt omnia.

30.

Sanguis sanus intra vel extra corpus nostrum stagnans in majoribus & etiam exilissimis vasculis sponte concrevit. Lippis & tonsoribus etiam est notum , sanguinem e vena vel arteria, vase quodam receptum sponte concrescere : hoc quoque in minimis fieri tubulis experimentis iteratis comprobatum vidi: nec fluidus manet in arteriis & venis mortui animalis, verum in polypos vel grumos concretus invenitur. Constat ergo sanguinem rubrum , si alicubi moveatur per canalem sine motu intestino, ibidem coagulari, (23) seque a reliquo sponte separare liquore: hocque magis minusve peragere pro varia vasorum directione & concursu, quare hac etiam ex causa, aliqua in corporis parte fieri potest secretio, nullibi alias peragenda. Quare ab anatomicis ultima arteriarum, ex quibus proveniunt secretoria , accuratissime perscrutanda.

31.

Sola circulatio in corpore vivente sanguinis conservat fluiditatem. Pertentato omnes modos cum vel sine motu , in calore, tepore, vel frigore sanguinem reservandi fluidum extra corpus, semper aliqua ejus concrevet pars: magis & citius in quiete & frigore, tardius in moderato calore , tardissime in tepore si simul moveatur. Hinc itaque docemur, quod fluidus maneat in corpore , circulationem illius conservare fluiditatem , & quidem peculiari actione, quæ non sit extra

corpus animale. Quum vero examinemus vas a magna, in illis talem non possumus assignare causam, ut patet ex dictis (23), neque in minoribus, si conferantur, quæ superius (23. 30) explicavimus. Sed vero reticularis vasorum complexus dividit, confundit, in oppositos motus agitat, separat, permiscet, quod nulla imitandum arte. Prout hæc actio major, aut minor ante secretionem, varii ex eodem sanguine possunt separari liquores. Ut ex hac operatione clarius fiat doctrina, sciendum est, sanguinis partes omnes non æque cito concrescere, sed sanguis ruber citissime, serum tardius, & pars aquosa diutissime conservat fluiditatem. Si ergo talis liquor mistus feratur per canalem satis amplum, ut est aorta descendens, inchoamentum habetur hujusmodi concretionis (23): Sic delatus sanguis ad renes promptissime suppeditabit secretioni aquosum, quum ibidem vermiculari arteriarum reptatu minus quam alibi permisceatur sanguis, & partes concrescibles persequantur arteriarum & venarum cursus, facile deponentes aquosam minus concrescibilem. Contrarium vero venit, quando inextricabili & mira vasorum concursu prius dissolvatur & permisceatur sanguis secretioni obeundæ destinatus. Hinc forsitan cerebrum parum distat a corde, ut reciperet sanguinem optime in pulmonibus præparatum, parum in itinere concretum, quem tamen in arteriis piæ Matris infinitis anastomosibus, concussionibus & divaricationibus, ita præparat, ut pars sanguinis præstantissima ex eo possit separari, quæ in renibus reliquo permista manebat sanguini. Hinc etiam intelligitur, cur ex eodem trunco arteriæ varii possunt separari liquores, scilicet ex varia præparatio-
ne sanguinis in organo, antequam ex eo instituatur se-
cretio.

32.

Accelerata & retardata circulatio sanguinem incrassat. Hoc paradoxum videtur, observatur tamen in nostro corpore.

Po-

Ponamus hominis perfecte sani cursu vel labore sanguinis circulationem adaugeri, hujus certe sanguis ita condensabitur ac si morbo laborasset phlogistico. De quibus etiam videri potest Tract. noster : *de insensibili perspiratione Cap. x. §. 3.* Objiciat quis, eadem actione tenuissimum per insensibilem perspirationem exhalare, & ideo fieri crassiores, sed sanguinem specificē non fieri crassiores : hoc concedimus, & id etiam postea sumus comprobaturi; verum præterea ipse sanguis, licet æquali copia humoris aquosī fuisset dilutus, ac fuerit excretionē detracta, is tamen erit crassior quam antea, ut demonstravimus in Dissertatione Nostra *de motu & corporis exercitiis §. 24.* Ex tali itaque sanguine parciōres procedunt tenuioris secretiones, quod liquor deficiat. Intelligimus ex his, lympham validā circulatione exuere suam fluiditatem, & fieri glutinosam : omnem motum circulatorium adauctum non semper augere secretiones: augmentum & defectum secretionis continuo non pendere a varia sanguinis velocitate, ut etiam observavimus in *dissertatione de urina §. 15.*

Ut motus acceleratus condensat, ita languidiore circulatione in viscidum abeunt humores. Superius demonstravimus (31) sola circulatione sanguinem fluidum permanere: hæc ergo si nimis languida sit, sanguis magis accedit ad ea, quæ pateretur in quiete (30), hoc est in viscidum abit: quo irretitur pars aquosa, per insensibilem perspirationem, aut urinam vix evacuanda. Prior crassitudo quiete, hæc vero visciditas motu adaucto, & putredine spontanea attenuatur. Nonne ergo satis constat, quandoque motum auctum supprimere perspirationem, sudorem & urinam, viresque prosternere defectu spirituum, unica venæsectione omnia restituiposse & quiete? alias vero ambulatione & corporis exercitiis erigi vires & promoveri secretiones? Tandem eadem manente quiete, sudore, urina aut diarrhæa colliquativa emaciari, qui prius visciditatibus scatebat & suppressis secretionibus labrabat? Certe hæc omnia tanti in Medicina sunt momenti,

ut nulla horum habita ratione, vix possimus ex arte præscribere evacuantia. Multum ergo interest omnes pericruntari secretionum causas, & non nimis addictos esse in una generali omnium eruenda causa.

33.

Nimius calor & nimium frigus condensant sanguinem. Sanguinem ad ignis nimium calorem coagulari, ut ovi albumen, qui negat, ipsis evincetur experimentis: hoc quoque verum est a nimio frigore, quare non opus dicta ulteriori sermone extendamus: sed ea tantummodo proponamus, quæ inde severa ratione possent deduci. Ergo in moderato tepore sanguis tenuissimus. Secretiones, quæ a tenuitate sanguinis dependent, tunc copiosissimæ. Secretiones minui possunt nimio calore & frigore; potest calor adurens condensando sanguinem in morbis acutis & inflammatoriis sistere perspirationem, sudorem, urinam, salivam, alvum: & medicamenta refrigerantia, ut venæ sectio, & minuentia calorem in his morbis sudorem provocare, alvum laxare, ciere urinam, atque os humectare. Nonne hæc omnia miraculi instar a quibusdam in morbis fuere observata? possem sane hæc omnia practicis confirmare exemplis, sed vetat hujus dissertationis brevitas. Præterea asserere possumus illum caloris gradum, qui coagulationi est proximus, omnium maxime favere secretionibus, ut est ille gallinæ incubantis tempor. Hinc viscera animalium tepentia, aut ipsa animalia viventia dissecta nostris visceribus applicata tantum præstant ad stagnantes humores & concretos a frigore iterum fluidos reddendos, & obstruktiones frigidas reserandas.

34.

Sanguis ruber in arteriis, venis, vasculis intermediis & cel-
lu-

Iulis circulatur tantum, tempore sanitatis. Superius vidimus (28) particulas rubras, omnes alias magnitudine excedere; & has colorem rubrum præbere sanguini. Novimus insuper, colorem rubrum alicujus partis tantum a sanguine rubro fluente vel retento provenire. Hic liquor ruber continuo debet circulare, si enim stagnat, morbus dicitur, sed vero illa circulatio fieri debet per vasa, (quippe credere sanguinem in parenchymata effundi, quod veteres & nonnulli quoque seculi elapsi statuere, nullis potest firmari experimentis aut ratione.) Hæc vasa vehunt liquidum a truncо versus ramos, vel a ramis versus truncum, quum alia non detur in corpore circulatio, sunt ergo arteriæ vel venæ, &c, quod hic liquor sit ruber, vocantur sanguiferæ. Ultra quas propter magnitudinem globulorum non moventur, nisi in cellulis: in morbis tamen per vasa quoque serifera, aut lymphatica moventur, aut in iis stagnant, sed tunc in debito non reperiuntur loco. Est ergo in statu sano sanguis crassissimus in ultimis arteriarum extremis, quum ibidem nil nisi hi reperiantur globuli rubri reliqua omnia magnitudine excedentes, quod alia per orifica vasculorum minora a globulis sanguineis sint separata, postea iterum in venas infundenda.

35.

Sanguis in sinistro ventriculo cordis omnium optimè permistus, qui licet videatur liquor homogeneus, ex multis tamen diversis constat partibus. Hoc præcipuum est pulmonum munus, sanguinem ex dextro ventriculo cordis receptum, per sua vasa ita agitare, dividere, conquassare, reciproce premere & relaxare, permiscere & confundere iterum in vena pulmonali, ut ibidem exactissima habeatur miscela, qualis mistura, & præparatio nullibi habetur in corpore totius massæ sanguineæ sine secretione. Hic sanguis sic præparatus recipitur a sinistro ventriculo cordis: statim vero ac projectus

D 3

fue-

fuerit in aortam, sensim sese magis magisque incipit separare (23 & 31) & ex eo quidam separantur humores. Ex quibus prior propositi patet pars. Nam præparatio sanguinis in liene & plexibus arteriarum (23) non tanti momenti est habenda, ac est illa in pulmonibus, neque hoc toti tribuitur sanguinis massæ, ut actio pulmonum. Hinc, quamvis appareat sanguis fluidum homogeneum, ex multis tamen constat diversæ naturæ partibus. Examinate sanguinis primo originem ex chylo, quot sunt ciborum potulentorumque varia genera, quæ conficiunt chylum, suam propriam indolem utcunque servantia. Hic chylus constans materie varia ductu thoracico a vena subclavia receptus, per dextram auriculam, & ventriculum cordis, atque arteriam pulmonalem, in omnem pulmonis partem vectus, hic permiscetur sanguini accuratissime statim in cordis ventriculum sinistrum deducendo: ille ergo sanguis ibidem multum possidet de alimentorum natura postea subigenda vel immutanda. Vel si consideres sanguinem in vena cava, nonne omnes secreti humores, qui non ejiciuntur, illi ibidem permisti inveniuntur? quis numerare valet omnes humores secretos natura diversos, qui tamen omnes iterum permiscentur circulanti? certe multi numerantur, qui forsan singuli ex plurimis aliis confusis conficiuntur. Examinate denique sanguinis spontaneam separationem (28) aut per experimenta chemica, nonne optimo jure debemus concludere sanguinem ex variis constare partibus: Sed hoc non sufficit scire tantum, verum exinde possunt regulæ pro secretione illustranda deduci plurimæ. Quis est, qui non intelligit ex liquore permisto varia posse separari, si reperiatur in corpore nostro actio, modus vel organum huic separationi aptum. Nonne aquosa ingesta per renes eliminantur copiosissime, & secreti humores confusi in venis sanguini, nonne per eadem organa iterum possunt a reliqua separari massa. Hoc si non fieret, verendum esset ne nostrum corpus brevi, bilis, spirituum aliorumque humorum defectu periret, sed valde necesse est, ut multi liquores

res functi munere redeant, & de novo iterum suis organis secernantur eidem operi inservituri.

36.

Sanguis in sinistro ventriculo cordis contentus, omnes tales continent liquores, qui in toto secernuntur vel excernuntur corpore, vel talia possidet, ex quibus postea secretorii vel excretorii humores confici possunt. Nullibi in nostro corpore fit secretio nisi ex extremitatibus arteriarum vel venæ portæ: hoc omnes concedunt & confirmant Anatomici. aut sine ullo interveniente organo glanduloſo, aut ope alicujus glandulæ, peragitur. Sed omnes arteriæ sanguinem accipiunt ex aorta, seu omnes rami arteriosi ex aorta proveniunt, præterquam sola arteria pulmonalis prodiens e dextro ventriculo cordis, & ex hac arteria hucusque non fuit demonstratum fieri secretionem; adeoque aorta omne adducet liquidum, ex quo futura est secretio, si non adeslet vena portarum, quæ bilis secretioni prospiceret. verum hæc ipsa vena portarum ex arteriis accipit sanguinem, adeoque liquor in ea contentus prius fuit in arteria aorta, hæc iterum a sinistro cordis oritur ventriculo. omnis ergo sanguis, ex quo futura est secretio, prius fuit in cordis ventriculo sinistro. objiciat quis bilem semel confectam non redire ad cor, verum fusam ex ductu chiliocho in duodenum a venis Meseraicis absorberi, sicque iterum per venam portæ duci versus hepar, atque ita peculiarem sibi servare circulationem. Hoc multis firmissimisque comprobant experimentis & rationibus, quæ hic non sunt loci examinanda. At quis crederet nihil bilis intrare laetæa, & ideo nullam quoque ejus portionem per cor circulari. Nonne ex assumentis alimentis præparanda est in pulmonibus materia, quæ restituit, quod de bile fuerit deperditum? an sentirem, venam portarum & ipsum lienem & hepar satis valere ex chylo conficere bilis materiem; aut crederem in ipso chylo a venis Meseraicis absorpto hærere biliosam novam ma-

te-

teriem? mihi saltem videtur materiam bilis novam prius in pulmonibus elaborari, antequam ad venam portarum perveniat: & ideo statuo, ipsam quoque bilis materiam in sinistro ventriculo fuisse cordis. Duplici modo possumus considerare liquores secernendos, vel quod existant in sanguine permisi, quales postea secernuntur propter reliquorum liquidorum permissionem non conspicui, ut sales soluti in aqua non conspiciuntur optimis microscopiis, quum tamen revera in isto sint liquore, separatione postea producendi: vel quod materia reperiatur in sanguine talis, ex qua fieri potest liquor, qui est secernendus. Uti ex vegetabilibus mineralibusque multa educuntur fermentatione, putrefactione, combustione, aliove modo, quæ revera talia non præexistebant in iis. Quis unquam alcoholem, non prægressa fermentatione, eduxit ex vegetabilibus? aut salem volatilem sine putrefactione, ex frumentaceis & vegetabilibus mitissimis? vel salem alkalimum fixum absque ignis tortura? Sane hæc omnia non erant talia præexistentia in plantis, sed erat præsens in iis materia, quæ arte potuerit ita commutari. Verum omnia ex omnibus non possunt præparari, sed requiritur præexistentia materiæ huic mutationi aptæ. Hoc quoque volumus in nostro corpore, quod scilicet debeat talis liquor adesse, qualis separatur per organa secretoria, aut talis, ex quo organi ope confici potest secretorius humor.

37.

Omnis sanguis & inde secreti humores in aliquo detenti corporis loco corrumpuntur, & unusquisque, pro varia sua indole, aliam producit omnino corruptionis speciem. Non est mihi notum in toto corpore nostro liquidum, quod si retineatur aliquamdiu in tali tempore, ut est nostri corporis viventis, quin corruptatur, de foce alvina, urina, saliva res est notissima, illa ingentem tandem emittere nidorem. Quid? totum corpus emortuum in putrilaginem fœtentem commutatur: &

lau-

laudabilissimus mitissimusque liquorum in tali tepore , venenatam adipiscitur indolem sana viventia rodentem. Constat ergo , quum hoc etiam fiat in omni parte corporis viventis , si liquor stagnet , circulationem prævenire hanc corruptionem , alegare corrupta , & ex alimentis ingestis conficere nova. Absurdum est ergo statuere liquores in cellulis , vesiculis , aut cavitatibus contentos esse ad finem vitæ a nativitate perpetuos eosdem : ipsi ne quidem humores oculorum purissimi , corruptionis immunes : debent ergo omnes in nostro corpore humores communicare circulantibus , ut eorum portio saltem inutilis aut corrupta absumatur , & alia indeperditi liquoris locum surrogetur nova. Quid itaque statuendum sit de fermento connato , aut sanguine materno , quisque facile perspiciet. Sed præterea raro duo liquores diversi si corrumpantur , post corruptionem eandem adipiscuntur indolem ; sic saliva alium , urina , sanguis , chylus , bilis , pus vel ichor in abscessu alium proferunt foetorem. Nonne possumus ex ichoris colore & nidore detegere ossis cariem ? Nonne ex natura puris vel ichoris possumus de ulcerum malignitate ferre judicium ? Nonne ex varia natura liquoris in aliqua glandula contenti , alia omnino prodeunt corruptionis phænomena ? Hæc omnia observare in praxi accuratissime magni esse momenti confido. Ut ita ex specialibus signis detegamus , quinam non modo corrumpuntur humores , & ita detegamus fomitem & morbi causam , sed ut tandem etiam medicamentis specialibus usu comprobatis possimus superare hæc mala : nam iisdem medicamentis diversa corruptionum curare genera quis auderet statuere ? utique in praxi contrarium experiretur. Hinc toties inutilis & vana redditur medicina , non quod nos fefellit experientia in corrigendis liquidorum corruptionibus , sed quod nobis non satis constet , qualis fuerit depravatus humor , & quantus ejus sit corruptionis gradus , ut ita ad minimam varietatem nostra dirigatur indicatio .

38.

Orifia vasorum perpendicularia ad axim sunt circularia. Diximus (2) ad secretionis cognitionem duo requiri, liquidorum scilicet cognitio & solidorum: de prima huc usque egimus, quam tamen ab altera non potuimus ita distinguere, ut de solidis nullus haberetur sermo. Quæ ergo de solidis supra exposuimus, hic tanquam veritates assumemus, & exponemus reliqua ad solida ulterius spectantia, quæ secretioni inservire poterunt. Docent mechanici, omnes canales flexiles liquore impletos esse cylindricos, quod pressio fluidi in omni parte sit æqualis, hoc est in æquali distantia a centro, quod fieri nequit, quin superficies fiat circularis: præterea ex natura fluidi id fieri quoque debet (4): quum autem hoc fiat per omnem longitudinem canalis, orificium ad canalis diametrum perpendicularare debet esse circulare: quare partes fluidi per tales fluentis canales fieri debent sphæricæ (29), & vasculorum origo ex majore trunco, licet oblique ex eo proveniant, & eorum orifia ideo apparent, propter sectionem obliquam ad axin, majora, non potest tamen globulus sphæricus fluidi major intrare tam commodè, ac si id orificium esset circulare. Nostri corporis vasa circulatoria & secretoria flexibilia esse non est opus probetur, sunt ergo omnia cylindrica, & eorum sectiones ad axin perpendicularares sunt circulares. Id ergo, quod agunt varia orifia vasorum ad secretiones, ab eorum tantum dependet magnitudo: nec ulla figurarum est habenda ratio, quare ab iis tota, ut plurimi afferunt, non dependet secretio omnis.

39.

Orifia vasorum multum inter se differunt amplitudine. Omnes ramos suo trunco semper esse minores ipsa confirmatoris inspectio, in arteriis & venis. Hæc autem differ-

ren-

tentia amplitudinis nihil fere facit ad varias producendas secretiones, nisi hæc subdivisio eo usque pervenerit, donec orificia vasorum tam angusta fiant, ut non amplius omnes in sanguine hærentes possint admittere partes, tum vero omnes majores ex iis vasculis secludentur, & solæ, quarum diameter non superat orificii diametrum, admittentur. Hic autem non subsistere ulteriore ramorum divaricationem artificiosa injectio & partium ab inflammatione distensio clarissime ostendit: quo usque vero procedat a nemine fuit traditum: constat tamen sola hac varia orificiorum amplitudine diversas a reliqua massa posse separari partes.

40.

Quadrata diametrorum ramorum arteriæ simul sumta superant quadratum trunci ubique in corporis quacunque parte. Hanc veritatem hodierni anatomici accurata habita dimensione comprobant: verum in una parte major, in alia vero minor inter ramos & truncum invenitur differentia. Docemur inde, motum esse tardiorem in ramis quam trunco (26). Quum vero non æqualis ubique sit differentia, in iis locis separetur liquor, qui ad ejus secretionem tardissimum requirit motum, ubi diametri ramorum multum superant diametrum trunci, & aliis liquor, qui majorem requirit velocitatem, ubi minor detur inter quadrata diametrorum differentia: quare ex eodem trunco ex hac sola ratione varii possunt secerni liquores.

41.

Arteriæ & venæ semper premunt contentum liquidum. Arteriæ & venæ omnes habent fibras longitudinales & circulares, arteriæ circulares fibras habent in interiore sui parte, quæ vero exterius in venis deteguntur: & contrario situ longitudinales. Actio fibrarum omnium consistit in abbrevia-

tione: hoc fieri nequit in canale cylindrico vel conico, ut sunt arteriæ & venæ, quin ejus cavitas minor fieri debeat, seu, quod idem est, liquidum in eo contentum prematur. Hoc quoque docent abscissæ arteriæ, si intromittatur dğitus, qui tum valide premitur, & educto ex arteria vel vena crux extenuantur. Sunt ergo in statu fano fibræ in statu violento, & urgent semper contentum liquidum. Ex natura liquidi est manifestum, si prematur, qua data apertura effluere, omnis ergo liquor urgetur in ea orificia, quæ ex arteria proveniunt, & intrant, si modo partium diametri non superent diametros aperturæ vel vasorum lateralium.

42.

Cursus arteriarum versus organa secretoria variant inter se, prout aliis in tali organo secernendus est liquor. Prima differentia habetur in ramorum ad aliquod viscus destinatorum origine: alii angulo acuto, ut fere omnes, alii angulo recto, & alii denique obtuso proveniunt ex truncō. Vel secundo non omnia ramorum orificia eandem servant proportionem magnitudinis ad truncum. Tertio quædam arteriæ deponunt prius sanguinem rubrum, antequam attingunt organum secretorium, aliæ vero pleno agmine intrant viscus. Denique quædam arteriæ ex suis lateribus sine multa ambage dismitten secretoria, aliæ prius contorquentur, penicillorum instar disponuntur, aut serpentium instar proserpunt, imo tot varias fere inveniunt anatomici arteriarum texturas, quot reperiuntur in corpore secretiones diversorum humorum. Constat ex his, quum Deus nihil creavit frustra, has varias texturas sua propria quoque obire munera. Vel quod ex sanguine per hanc fabricam conficiatur liquor aliquis nullo alibi preparandus organo: aut quod per eam certo modo disponatur sanguis, ut deponat quandam liquorem. Hæc erant, quæ habebamus dicenda, antequam ipsum aggredemur secretionis negotium, ut ita possimus iis uti tanquam da-



SECRETIONIS PARS ALTERA.

43 Divisio secretionis generalis.

1 Differentia liquoris ad organa secretoria ducti, & causæ eo ducentes.

1 Sanguis ubique fere ejusdem est indolis.

44 2 Sanguis ad organa ducitur præprimis a quatuor causis.

2 Causæ abstractæ seu solitariæ secretionum.

45 1 Coadunatio spontanea partium similiū & a reliqua massa separatio.

46 2 Cohæsio partium firmior.

47 3 Cohæsio firmior aut debilior cum solidis.

48 4 Proportionalis magnitudo globulorum ad orificia.

49 5 Vehiculi major & minor quantitas.

50 6 Varia velocitas sanguinis in organo.

51 7 Specialis vasorum cursus in organo.

3 Speciales secretiones partium exponuntur.

52 1 Partes majores possunt separari.

53 2 - - - tenaciores & glutinosiores, relicto fluidiore.

54 3 - - - minores, relictis majoribus.

55 4 - - - mobilissimæ, lœvissimæ, & fluidiores, relictis aliis.

56 5 Combinatione harum causarum exponuntur particulares.

A. Spirituum secretio.

B. Bilis confection.

C. Urinæ separatio.

D. Seminis elaboratio.

E. Pinguedinis secretio & mucilaginis.

F. Maligni & morbosí humoris evacuatio.

57 4 Mutata causarum secretionis aliqua, ipsa secretio etiam mutatur.

58 1 Aucta velocitate sanguinis quomodo mutari possunt secretiones.

59 2 Minuta velocitate sanguinis &c.

60 3 Mutata cohæsione naturali &c.

61 4 Magnitudo globulorum & amplitudo pororum mutata &c.

62 5 Mutata vehiculi quantitate, aut gravitate partium.

63 5 Quæ secretis humoribus accidunt, secretione peracta:

1 Crassius fieri potest tenuis, & contra.

2 Glutinosus fit fluidus, & contra.

3 Variam indolem acquirunt.

datis, quibus res incognitas eruere valeamus. Quæ supersunt in explicanda glandularum fabrica sciens omitto, quum nuper a Clarissimo Boerhaave & Celeberrimo Ruyschio non minus eleganter quam accurate hæc fuerint descripta.

P A R S A L T E R A

D E

S E C R E T I O N E

HUMORVM E SANGUINE.

43.

Per arterias ad omnia organa secretoria fertur liquor, ubique fere ejusdem indolis, ex quo peculiaris futura est secretio. Hucusque nihil nisi data seu veritates concessas proposuimus, ex quibus totum secretionis negotium est explicandum. Quod ut ordine pertractetur, considerabimus: 1º. differentiam, quæ potest detegi inter liquores seu sanguinis partes antequam ad aliquod perveniant organum, & simul quænam cibari possint causæ humores eo ducentes: 2º. cautas solitarias seu abstractas, quibus peragitur secretio, ex quarum multifaria compositione infinitæ fere possunt fieri secretiones variæ: 3º. eas, quibus aliquis specialis producitur liquor: 4º. illas, quæ varios non consuetos, vel qualitate vel quantitate, producunt humores: 5º. ea tandem examinanda vident, quæ humores secretione peracta possunt pati, quando inde eorum possit mutari indoles.

Quum per arteriam aortam feratur motu perturbato sanguis e sinistro receptus ventriculo cordis (35, 36) propter

arteriæ inflexionem , & motum inæquabilem cordis , per ramos ex hoc trunco ortos sanguis derivatus parum differt indole , nisi quod in arteriis a corde longius distitis sanguis paulo magis sit concretus , (23, 24, 31). Hoc quoque verum est in ramusculis minoribus , quamdiu orificia sunt tam ampla , ut omnes tranare queant sanguinis partes . Et quoniam omnia organa secretoria accipiunt ex aorta sanguinem permistum (35, 36) nullam hucusque secretionem passum , hæret ergo secretionis causa in eo ipso organo , qua varii a simili massa sanguinea ubique possunt separari liquores . Si quis excipere velit bilis secretionem , per me licet , quod non ex arteria sed vena portarum ejus fiat secretio (36).

44.

Sanguis deducitur ad minutissima vasa secretoria pressione cordis a tergo urgente ; compressione continua vasorum & partium circumiacentium ; Motu vermiculari vasorum ; & eorum propria recipiendi potentia . Cor valida vi urgere in contentum sanguinem , eum in aortam projicere maximo impetu , omnes norunt , sed quanta sit illa potentia , & cui comparanda , dissentunt quam maxime , ut videre licet inter calicum Borellianum & Keillianum , & plurimorum aliorum Auctorum : quanta autem sit , nolo hic determinare , sufficiet scire , si modo cognoscamus rude tantum momentum motus ad aliquam partem , v. g. in pede vel brachio alterutro . Hoc erit facile determinare , si arteria vadens ad illam partem abscindatur , & libere exilire permittatur sanguis : nam cognita curvatura parabolæ , vel altitudine columnæ sanguinis verticaliter prossilientis , cognitum etiam erit momentum pressionis a tergo , quod ex hydraulicis est petendum . Si eodem impetu liquor ope siphonis injiciatur in abscissam arteriam , nequaquam liquor omnia pervadet vascula partis emortuæ , ut sanguis per arterias integras . Præter motum ergo cordis , alia quoque requiritur causa ;

sci-

scilicet compressio vasorum & partium circumiacentium: ita enim leni compressione simul dum instituatur per siphonem injectio, liquor penetrabit altius & in tenuiora sese insinuabit vascula: sed quod magis est, motus vermicularis mulum facit ad propellendos humores, quem in injectionibus anatomicis frictione, compressione alterna, agitacione, conquassatione, aliisque modis, quantum fieri potest, æmulamur, nunquam tamen possumus ad ultima perducere vascula injectum liquidum, quod ille motus deficiat: vel quod non iniciatur liquor respondens vasculis (17) minimis, quare alias cera liquefacta vel oleum quodvis tenue minus sese insinuaret, quam aqua tepida in injectionibus anatomicis; & alcohol promptissime, aqua sensim, & oleosa tardissime corporis parti siccæ applicatæ abriperentur, si non requireretur inter fluida & solida quædam convenientia; nam tubuli minutissimi promptissime in se recipiunt sibi convenientem liquorem (20, 21, 22). Aut hæc forsan erit causa, quare oleosa non intrant, quod tenacius adhærent lateribus (19) adeo ut ad propellendum nimia sit opus vi, & majore, quam possunt latera pati vasorum.

45.

Generalis secretionis causa potest esse partis similis in sanguine coadunatio spontanea, & separatio a reliqua Miscela. Omnes humores sphærulas formant sponte (4) præprimis in alterius naturæ hærentes liquido, (16) quamvis moveantur per canales (23) motu non perturbato: qualem spontaneam concretionem quoque possidet sanguis humanus (27, 29, 30), ex quo futura est secretio. **Hæc ipsa spontanea separatio primaria est secretionis causa:** in secretione enim tantum requiritur specialis cujusdam liquoris, ex liquore permisto, segregatio (1); possumus sic sine ulla arte sanguinem rubrum separare ab aliis: ita etiam sponte secedunt oleosa ab aquosis: requiritur ergo tantummodo organum, quod separatum re-

recipit humorem. Duplex ex hac causa fieri potest secretio.
 1^a. Quando secernitur liquor tenax, glutinosus, viscidus, a fluidiore, mobiliore & minus concrescibili. Probavimus (9, 31) omnes partes sanguinis non æquali coalescendi potentia esse donatas. Si ergo partes maxime concrescibles, quæ sponte congregantur, intrant vas secretorium, dimententes reliquum liquorem, secernetur liquor tenax, & fluidior perget circulare. 2^a. Secernitur tenuis, fluidus, & vix cohærens liquor, quando, post separationem hanc spontaneam, hic humor recipiatur a vasculis secretoriis. Potest ergo concrescendi potentiam in sanguine separari ex eo liquor tenuis, si continuo absumentur tenaciores magis concrescibles, relicto tenuiore, qui tandem vas ingreditur secretorium. Et quod varii gradus cohæsionis reperiantur inter sanguinis partes, multa genera humorum ab hac causa possunt separari: ad quam separationem peragendam multum facit diversa magnitudo orificiorum vasorum (39), quum partes concretæ tanquam globuli certæ magnitudinis possint considerari. Omnes autem statuere fieri in nostro corpore secretiones ab hac sola causa nihil absurdius. Multa præterea alia occurrunt ad varios producendos humores, verum hæc tanquam simplicissima primum sibi locum vindicare judicavimus.

46.

Particularum similiūm cohæsio firmior, quam cum aliis, altera potest esse secretionis causa. Sanguis noster, ad organum vadens secretorium, in continuo est motu, quo oritur in ipsa sanguinis massa motus intestinus (24) & separatio particularum (31), eæ vero partes, quæ tenacius cohærent, ab hoc motu minus solvuntur aliis, quod ad earum separationem plus virium requiratur: quare tandem sensim languente motu (26, 40) in ultimis vasis concretæ permanent, atque sic (45) specialem præbent liquorem.

47.

47.

Major & minor cuiusdam liquoris cum solidis cohæsio tertiam proponit secretionis causam. Omnes partes in sanguine non ejusdem esse indolis, sed alias tenacius adhærere solidis, alias vero laxius, superius (17, 18, 19) vidimus: quare partes tenacissime adhærentes, eodem impetu protrusæ, tardius procedunt, & latera lambunt vasorum (25), & hærent, aut in lateralibus vasculis vel cellulis pelluntur, dum reliquæ pergant continuare viam.

48.

Magnitudo particularum in sanguine varia per vas arteriosum inæquali orificiorum amplitudine donatum, truso, causam exhibet diversorum liquidorum secretionis. Confer, quæ adduximus (28, 39). Sed utut videatur per tale organum tenuissima semper ex sanguine separari, quod multi statuunt, quoniam per oricia majora particulæ etiam minores possint transire, & ideo per minutissima tantum liquor posset separari, qui ex minutissimis constaret particulis, rem sane ipsam, non ut sit in vasis ramosis, sed ut fieret in cribris, sunt contemplati: imo per varia cribra possumus separare partes & seorsim colligere; nam si tot habeamus cribra, quot partes sunt sphæricæ, ut sunt sanguinis globuli magnitudine differentes in pulvere permisto; quorum primum transmittit omnes partes pulveris exceptis maximis, in eo eadem habebuntur seorsim; cribratus pulvis si per aliud cribrum iterum cribratur, cujus foramina paulo sunt angustiora, iterum ex hoc pulvere separabuntur partes foramina magnitudine excedentes; hoc si instituatur per alia cribra successive minora habentia foramina, colligentur partes ejusdem magnitudinis seorsim; & ex permistione pulverum ex diversis cribris collectorum infiniti fere varii poslunt confici pulve-

F

res.

res. Hujus rei ut clarius habeatur idea , ponamus vas a nostra per multas progredi divisiones sensim angustiores (39), quod obtinet in nostro corpore ; & sanguinis massam possidere varios magnitudine globulos (28), quod etiam fuit comprobatum : si habeantur quinque diversa vasorum genera, & totidem globulorum in sanguine , 31. varii liquores possunt produci , vide quæ descripsimus in nostro tractatu de *insensibili perspiratione Cap. 12. §. 3. pag. 95.* nam si per vas

Fig. 1. ramosum (1, 2, 3, 4, 5,) moveatur fluidum ex globulis variis (a, b, c, d, e,) constans , non intrabunt globuli diametro vasis (1) maiores , & transibunt per aliud extremum omnibus globuli A , diametro vasis respondentes , & minores (b, c, d, e) per ramum (2) , verum soli globuli (b) iterum pergent , & reliqui (c, d, e) ad alia perducuntur vasa , novam separationem subitura. si eadem methodo procedatur usque ad canalem (5) quinque diversi habentur liquores (a, b, c, d, e). Si post hanc separationem quædam vasa coëidunt (ut 12, 13, 14, 15. aut 23, 24, 25,) & sic porro , permisti erunt liquores varii (ab, ac, ad, ae, & bc, bd, be, & ita de reliquis). Et hoc modo per talem divaricationem ramarum poterunt 31 diversi produci liquores ex humore , qui ex quinque variis magnitudine generibus constat. Non quis judicet me putare globulos tantum (a) tranare per extremitatem vasculi (1); & (b) per vasculi , (2) , & sic porro , verum sentio minores quoque quosdam globulos per ampliora duci orificia , & ideo adhuc plures liquidorum possimus statuere differentias, prout plures paucioresve possideant ex minoribus globulis humores prius secreti. Et tandem poterit adaugeri seu multiplicari differentia secretorum humorum , prout affusio tenuioris cum crassioribus majorem minoremve habeat proportionem. Adeoque possunt infinita fere genera liquorum per tale organum separari e sanguine.

diversas producere potest secretiones. Quinta hæc generalis causa ex iis, quæ proposuimus (8, 9, 10, 34,) facile intelligitur, quare non opus ut repetatur. Restat observare ubique in corpore, vel magnitudine globulorum ad determinata orificia (48), vel concretione propria quarundam partium sanguinis, aut alia separationis quadam causa (45, 46, 47, 50, 51), partes similes a reliqua massa separatas facere, ut partes, quæ propter vehiculi quantitatem non concrevissent, nunc vero coëant, & in diversos tandem abeant liquores.

50.

Varia velocitas in sanguine, ex quo secretio est peragenda, sextam potest exhibere secretionis causam generalem. Demonstra-
vimus primo (24, 25) in omni parte canalis motum non esse æqualem, & aliud genus particularum ferri in medio cana-
lis, quam ad latera: potest ergo alia fieri secretio ex isto rame, qui respondet axi canalis, quam per eos, qui ex ejus proveniunt lateribus; transibit mobilissimum, lœvissimum, & minime adhærens solidis per eum canalem, qui axi respon-
det trunci; & reliquæ partes per lateralia vasa. 2. Quum in omnibus canalibus non æqualis observetur humorum cele-
ritas (26) (40) & sanguis magis concrescat a motu retarda-
to (32), poterit a tali motu in quodam viscere fieri secre-
tio, quæ alibi in corpore, ubi talis tardus non habetur mo-
tus, nequaquam fiet: hinc in quibusdam morbis, quando mutatio fiat in circulatione, in aliquo loco quædam peragi-
tur secretio, quæ quoque cessat motu solito restituto.

51.

Vasorum arteriosorum cursus specialis in viscere quodam potest exhibere secretionem peculiarem, quæ in alia fieri nequit parte. Varius arteriolarum cursus, vel disponit sanguinem, ut cau-
sæ superius citatæ (45 hucusque); sed tunc per easdem fieri

quoque potuisset, & frustra fuisset a sapientissimo Creatore hic mirabilis discursus vasorum natus: verum hanc ipsam structuram variam (42) elaborare, configurare, præparare, & componere partes advectas, ut novus inde prodeat liquor alibi non conficiendus, credo. Atque ita absolvimus omnes causas generales & constantes, quibus variæ secretiones in corpore sano peraguntur: transibimus ad illas, quæ sunt magis speciales.

52.

Potest e sanguine secerni liquor, qui majoribus constat particulis, quam reliquus humor circulans. Incipimus nunc tertiam partem generalis divisionis (43) exponere, in qua meretur, propter ventilatas de ea quæstiones, primum locum secretio humoris crassioris ex tenuiori liquido. Distinguere statim debemus humorem crassiores in eum, qui constat ex majoribus proportionaliter partibus, quam constat liquor, ex quo instituitur secretio; & in alterum, qui post secretionem est tenacior magis cohærens, quam est liquor, e quo fuit separatus hic crassus humor. De priore tantum hoc loco acturi, de alio autem deinceps. Constat ex præcedentibus (34.) sanguinis globulos rubros non ingredi vasa secretoria, sed redire per venas, de iis ergo non est quæstio. Verum de liquore remanente ex variis magnitudine constante partibus datur dissensio, an possint partes maiores ejus secerni, & minores circulantibus iterum permisceri. Responsio utique est in promtu; nam si ponamus per vasculum (2) moveri globulos serosos (b) & reliquos omnes (c, d, e); & vasculum (2) abire in vas excretorium, reliqua vero contentos liquores affundere sanguini in venis, aut lymphæ in vasis lymphaticis venosis, nonne tunc secretus liquor ex majoribus constabit particulis, quam ille, qui circulatur? Credo, neminem fore, qui dubitabit. Hæc demonstratio quoque valebit in reliquis instituta vasculis & humoribus (48), & ita poterunt multi crassiores humores

se-

secerni, quam sunt illi, qui circulatione circumducuntur. Præterea possunt partes quoque minores in ipsis vasculis secretoriis in maiores conformari globulos (6, 7) & ita quoque exhibebitur liquor secretus reliquo humore crassior: quippe diligenter est observandum, partes sanguinis non esse solidissimas & immutabiles, at vero in maiores & minores posse abire globulos, prout vario modo agitantur a solidis: nonne ipsi sanguinis globuli rubri a nostro corpore ita formantur? an putaremus tali magnitudine ex vasis recipi lacteis? certe hæc nimis sunt exilia in suis principiis, & ipse chylus microscopio conspectus ne quidem unicum talem continet globulum; sed est nostræ machinæ opus, quæ ex chylo tenuissimo tam magnos format globulos. Quare ergo non possent in aliquo organo maiores ex minoribus componi globuli? insuper esset examinandum, an talis fiat in nostro corpore secretio, verum quoniam hic liquor cum alio glutinoso ut plurimum confunditur, hujus examen ad sequentem conferemus.

53.

Tenaciores & glutinosiores humores quandoque secernuntur, quam illi qui remanent circulantes. Multi egregii viri turpiter fuere decepti, judicantes, omnes humores, tenaces, glutinosos, constare partibus majoribus, quam illi, qui apparent fluidiores. Fluor non pendet a magnitudine aut parvitate partium liquidum constituentium, sed quod hæc partes majori minore cohærent nisu, & ideo ad earum separationem majore minoreve sit opus potentia. Cujus liquoris partes aliquantulo magis cohærent, ille vocatur crassus ut plurimum humor. Ad separationem talis liquoris requiritur illa causa, quæ facit, ut partes e reliquo humore separatæ tenacius cohærent, quam ante separationem. Talis potest esse primo tardior motus vasculis secretoriis (32, 26, 30, 31): liquores enim nostri stagnantes concrescunt fere omnes, quod non amplius in fluore serventur actione vasorum. 2. Si plures

partes sese invicem attingant: nam cohæsionis firmitas respondet contactuum punctis, quare quædam apparent fluidissima, quamdiu cum alio vehiculo fuerint mixta, quæ vero a suo menstruo liberata protinus abeunt in corpus solidum (8,9) tenacissimum. 3. Quando menstrui destruatur natura, aut adaugeatur in particulis coadunandi potentia, affusione alterius liquoris, qui unâ cum eo concrescit (6,7,8,9,10,15). 4. Et ultimo, si liquor in vasculis secretoriis majus patiatur frigus (33). Ex his intelligimus nequaquam procedere, quod secretio viscidi proveniat e sanguinis massa talis existentis, sed quod sâpe in organo generetur: & quod non debeamus ex crassitudine concludere magnitudinem partium secreti humoris.

54.

Fig. I. *Tenuior humor ex minimis constans particulis secernitur e sanguine, si canalis major definat in vas circulatorium, & minor vel minores in excretorium.*

55.

Fluidissimum secernitur, si liquidum ingrediens vas excretorium minorem possideat de natura concrescendi (45) potentiam, quam circulans liquor, & fluidissimum peracta secretione non dimitat.

56.

Concursu plurimarum causarum recensitarum quotquot sunt secretiones in corpore possunt exponi. Nimis longum esset perspicere omnes, quasdam tantum præcipuas ex præcedentibus demonstrare conabimur.

A. præstantissima omnium est *spirituum* in cerebro & cerebello. Ad id fertur sanguis jamjam in pulmonibus confitus & exacte mixtus, vix ullam concretionem passus (23)

in

in itinere : arteriæ carotides sua origine , propter arteriæ aortæ curvaturam , respondent axi canalis (24) , & ideo recipiunt mobilissimum , lœvissimum (25) , quod magis in eo sanguine adhæret & glutinosum est , derivatur ad latera (25) , & per carotides externas movetur : valde flexuosa via tendit per canalem osleum cranii ad cerebri basin , ne aliqua fieret concretio , quæ motu perturbato prævenitur per hanc curvaturam motum intestinum in eo sanguine conservantem : arteriæ in cerebro infinitis anastomosibus uniuntur , separantur , sanguis in oppositos cursus agitur magis quam in ulla alia corporis parte , habetur ergo exactissime ibidem permistio , fluoris conservatio (31) summum concretioni impedimentum , & spirituum e sanguine confectio . Ita pars sanguinis nobilissima concrescibilis , nutrititia , in reliquo corpore præparata , & præcipue in pulmonibus , in cerebro ulterius elaborata & confecta , per omnes ramos arteriarum cerebri æqualiter distributa , ibidem mirabili concursu vasorum in fluore conservata , perducta ad nervorum principia , ea intrat tanquam vascula secretoria ; & ibidem propter fibrillarum exilitatem iterum concrescere nequit ; remanens vero sanguis per sinum sagittalem & laterales reducitur . Tot requirebantur causæ in præparandis , conficiendis , & separandis spiritibus , quæ omnes simul nullibi inveniuntur in corpore , quare spiritus , licet videantur tenuissimi , potius massæ sanguineæ manent irretiti , quam ut per organum aliud a sanguine , licet ibidem deducti , segregarentur : statuere enim velle spiritus sanguini in corde missos , ad alia quoque non pelli loca , absurdum eslet , quum rapidissimo fluxu , & admodum perturbato per aortæ curvaturam projiciatur : at reliqua organa non valent spiritus a sanguinis circulantis massa separare , quod omnes non possideant qualitates , quæ ad spirituum requiruntur separacionem .

B. Non minus mirabilis est *bilis* confectio in hepate . Sed contempleremur etiam causas , videbimus nulla alia in corporis

ris parte ejus quoque fieri posse secretionem. Ejus præcipua virtus in saponacea natura consita est, constante ex oleo & sale alcalino volatili, ut spones plurimi artificiales, cuius saponis ope oleosa reddantur miscibilia aquis: utraque hæc principia in sanguine habentur hepar ingressu: funditur ex omento oleum pingue in venam portarum, & sanguis continet salem alcalinum volatilem hic magis quam alibi, quod stagnatione quasi in lienis cavernulis & ipso venæ portarum trunco levem acquirat putredinem salem alcalinum volatilem producentem; (37) habetur ergo materia bilis in sanguine jecur ingressu: & forsan bilis quoque ipsa per vasa meseraica ex intestinis huc deducitur: opus est ergo tantum organum separans salem volatilem, & oleosum e sanguine, & ea denuo commiscens. Hinc non absurdum est statuere duplicem secretionem in hepate, & ope glandularum exilissimarum per ejus substantiam dispersarum, atque alteram per extremitates ramorum venæ portarum, quam Celeberrimus Ruyschius suis detexit injectionibus. Qui secreti liquores confusi in ductu cholidocho, ipsam exhibent bilem, qualis conspicitur. Intelligitur ex his, quare quoque in alia corporis parte non separetur bilis, quod præsto non habeatur materia, deficiat tale organum separans & confundens, atque motus ita retardatus, ut est in vena portarum (50).

C. *Urinæ* secretionem paucis quoque exponemus. Urina constat ex aqua & aliis corpusculis in ea contentis. Aqua præcipuam ejus exhibit partem, quæ prout majore minoreve in urinâ habeatur quantitate, eo magis minusve erit saturata. Hæc pars aquosa per sudorem aut insensibilem quoque eliminatur perspirationem; & quandoque in diarrhæa per alvum: quare iis secretionibus auctis minuitur urinæ quantitas, quæ tunc est magis saturata. Hinc patet, partem aquosam non tantum in renibus a sanguine separari, sed & in aliis quoque locis, & tunc fieri, quando in arteriis partes concrescibles sanguinis fuerint unitæ (23) remittentes aquosum,

sum, quod per vasa tenuiora, sanguinis & serosos non admittentia globulos (45) aufertur. Sed quia sales intime uniantur promptissime aquoso, hi quoque simul excernuntur, simplicissimâ vasorum in renibus structurâ a Ruyschio demonstratâ. Præter hoc generale excrementum, aliud peculiare separant renes, ut docet experientia in urinæ suppressione; hoc per corpuscula illa rotunda, parva, intus cava, per renum substantiam dispersa fistulas urinarias attingentia peragi sentio, quæ corpuscula minima glandulosa, sua propria structura advectum sanguinem ita disponunt, ut peculiaris in iis fiat secretio, nullibi alias perficienda.

D. Ex dictis præterea intelligimus, quare ex eodem sanguine ad renes vecto possit separari *semen*. Sanguis ad renes vectus nihil fere differt ab eo, qui fertur per spermaticas arterias: verum sanguis ibidem aliud patitur quam in renibus; deponitur maxima ejus pars in venulas corporis pyramidalis, & progrediens ramus ad epididymidem, atque testem, qui posterior venam non habet comitem, sed contentum in medium testis innumerabilibus osculis deponit, quare hic pars gelatinosa præstantissima omnium humorum, ut diximus superius in spirituum secretionem, deponitur, & tenuissimum avehitur per vascula lymphatica, quæ denso agmine inde proveniunt. Fit ergo hic secretio materiae crassioris & tenacioris (52, 53), pars interim hic remanens, actione solidorum in testibus & epididymide, & forsitan in vesiculis seminalibus, in semen commutatur. Intelligitur ex eo, quare seminis nimia excretio magis quam urinæ profluviū debilitat, & vires exhaustit.

E. Pinguedinis undique in corpore secretio fit manifesta ex iis quæ dx imus (19) & mucilaginis circa juncturas (25).

Ex his paucis judico reliquas omnes posse exponi secretiones naturales, quod nimis longum hic esset elucidare. & multi præterea maligni humores & morbos per peculiarem secretionem tantum a sanguinis massa possunt separari; ita materia variolosa & morbillosa per cutim; venerea præprimis

per glandulas salivales; purulenta & febrilis per urinam; gravedinis & coryza per nares. Quod in praxi est necesse observare, quod omnem materiam morbosam non valeamus per cuncta ducere emunctoria; quo enim vergit natura eodemducenda.

57.

Si aliqua causa secretionis vel auferatur vel immutetur, ipse liquor secretus per idem organum, quantitate & qualitate a solito differre potest. (Hæc est quarta pars §. 43). quod per omnia organa speciales secernantur liquores perpetuo, id pendet a peculiari in hoc organo operatione, quæ actio est causa constans in hoc organo, quæ proxima non est solitaria, sed ex multis simul concurrentibus causis nata, quarum una si tantum auferatur vel immutetur, tota secretio quoque debet mutari. Quæ mutatio fit in liquoris quantitate adaugenda vel minuenda, aut ejus invertenda indole. Et quoniam plurimæ causæ concurrunt ad unum tantum producendum e sanguine liquorem, hic ergo liquor multis modis potest immutari, prout hæc illave causa auferatur, vel alia nova accedat ad causam proximam secretionis istius liquoris constituendam. Ut distinctissima hujus mutationis habeatur doctrina, causas concurrentes abstracte considerabimus.

58.

Aucta velocitate sanguinis, secretio augeri, minui, & immutari potest. Primo est demonstrandum, sanguinis auctam velocitatem solam promovere secretionem. Major dicitur velocitas in liquore per canalem fluente, si eodem temporis spatio major quantitas per eundem canalem feratur: patet ergo, si nihil aliud sit, tunc per vasa secretoria majorem derivari humoris quantitatem, seu secretio fit major. Sed dum hoc fit, a validiore cordis contractione, compressione

ex-

externa, & motu vermiculari vasculorum (44) hæ ergo actiones adauctæ valent majorem exhibere secretionem. Hinc valida circulatio sudorem prolicit; masticatione, & motu articulorum, agitatione & compressione illarum glandularum copiosior saliva, & materia glutinosa Haversiana effunditur; & stimulus applicatus vasis ingentem elicere valet liquoris quantitatem. 2. A motu celeriore, si simul nimis condensetur sanguis, (32) aut vasa majora ita impleantur, ut lateralia minora comprimantur, suffocatur secretio: uti in morbis acutis plerumque cutis arida, suppressio urinæ, oris siccitas, oculorum squallor deficiente humore lachrymoso, conspiuntur, licet validissima habeatur circulatio. 3. Dum liquor fluit per vasa dilatabilia, illa a majore impetu distenduntur, & intrabunt liquida insolita, atque turbabitur secretio: nam si canalis (3) nimio impetu extendatur ad amplitudinem (2) illæ particulæ (b) quoque intrabunt, qui tunc derivabuntur ad locum sibi non convenientem: hoc quoque fieri potest in aliis canaliculis, & ita plurimæ possunt immutari secretiones, solo motu accelerato. Ita mictus & vomitus cruentus, hæmorrhagia narium, & ex integra cute hæmoptysis, præmatura mensum evacuatio, excitata fuere. Præterea ipso hoc validiore motu sanguis mire immutatur, & ex eo conficiuntur humores, qui in motu solito nunquam generarentur e sanguine (32); quod varia particularum in urina post validam circulationem evacuata conspicimus genera, quæ neutiquam tales e corpore fuissent evacuatæ: nonne ipse sanguis in superiori parte acquirit cuticulam densam phlogisticam lardi adinstar post validam circulationem emissus? & a motu perturbato innumerabiles varii producuntur liquores, ita in animi pathematibus fæces alvinæ quandoque subito ejiciuntur coloris nigricantis, virescentis, flavi, aut alterius coloris, consistentia, odore & foetore a naturali recedentes; quæ etiam in melancholicis, & hysterics insultibus obnoxiis prodeunt, præcipue in iis, quæ quandam commotionem sentiunt in hypochondriis & ventre, vulgo pro

in-

incantatis qui habentur, quod insolita ejicient, motum in ventre sentiant, & mira audiantur murmura, quasi dæmones loquentes, & vix ullis cedat medicamentis hic morbus. Multos tales curavimus homines compescendo anodynisi, balsamicis, gummosis atque resinosis hunc motum inordinatum, & dein roborantibus, spiritibus, volatilibus salibus, atque antiscorbuticis restaurando illorum viscerum vires, & ita præstigias fascinationis homini Christiano abominabiles discussimus, & a nomine hoc detestabili liberavimus.

59.

A motu quoque retardato variare possunt secretiones. Ut a motu majore, ita etiam ab eo retardato, humores fiunt crassiores (32) & ideo tardior procedit secretio, ut & ex minori advecta liquoris quantitate. Sed copiosior tum demum fit, quando ex debiliori circulatione humores colliquescant & putrefescant, unde prodeunt liquores, qui in sanitate nunquam conspicuntur, copiosi putrefacti sæpe & ichorosi.

60.

Ex mutata liquorum cohærendi potentia secretiones augentur, minuuntur, & depravantur. Quandam concretionem requiri ad secretionem supra (45, 46) probavimus: eamque posse adaugeri & minui. In tota massa & in aliqua ejus parte ex dictis (6,7) intelligitur. Nihil ergo probandum restat, nisi quod ex vitiata cohæsione etiam commutentur secretiones. In omni secretione debet fieri separatio, si vero partes firmius cohærent, majore opus est ad solvendas partes potentia, si ergo solvendi potentia simul non adaugeatur, quod supponitur, nulla fit separatio, & secretio sistitur. Si vero minuatur potentia cohærendi, omnes humores tenues reddit, & a minima causa separabiles, minutissima intrant nimis vascula & effluunt, ut ex enarratis (6,7.) etiam constat. Sed

&c

& depravantur, nam minutissima vascula recipiunt ex tali sanguine humores, qui in statu sano non intrarent.

61.

Magnitudo globulorum aut amplitudo pororum mutata, varias producere valet secretiones. (48) Ponamus globulos fieri maiores, aut canales angustiores, ultima vasa nihil liquoris recipient, nam tunc non habetur liquor tam tenuis, qui ea intrare potest; & globuli maximi per ultima vix possunt arteriarum tranare capillaria: unde circulationi impedimentum, & tenuissimi supprimitur secretio. Si hoc tantum fiat in quodam humorum genere (7) fistetur tantummodo illa secretio reliquis intactis. Hinc non est opus tota ut insipsetur sanguinea massa, aut totum constringatur solidorum stamen ad peculiarem suppressandam secretionem. Quare in praxi diligenter notandum, quæ medicamenta specialem hanc illamve fistunt secretionem, ut fuit in secretionibus proritandis peractum. Si in contrarium argumentemur, res evadet clarior, nempe si minuatur particularum magnitudo aut augeatur amplitudo orificiorum; perpluent undique liquores, & corpus reddetur exsuccum, atque veram tabis nervosæ a Morthon nominatæ depingit ideam. Hoc non modo sed & vitiantur secretiones, ita diabetes, sudor colliquativus copiosus, ex hac sæpe proveniunt causâ. Hoc in unico speciali fieri posse genere humorum, clarissime docent Medicamentorum operationes, quæ evacuandis prospicimus: ita Mercurius tantum salivæ, cantharides urinæ, senna alvi evacuationes excitant: imo observaverunt practici maximam differentiam inter cholagogæ, hydragoga, & melanagoga. Multa horum externe applicata, vel venis injecta eisdem fortiuntur effectus: quare quosdam tantum solvunt humores, vel ad peculiare feruntur organum, licet alibi applicata, ut determinati peragatur humoris secretio.

62.

Reliquæ in secretionibus mutationes, quæ pendent à minori vel majori vehiculi quantitate (8, 9, 10) & particularum indebita gravitate (11, 12, 13, 14) ex recensitis facile intelliguntur.

63.

Craffus humor potest post secretionem fieri tenuis, & vice versa. Quinta classis (43) exponet mutationes, quæ liquoribus accidunt secrezione peracta, sive contineantur in loculis, sive in vasculis excretoriis, sive in quadam cavitate. Sciendum est, humores tales non secerni e sanguine, quales apparent secrezione peracta, in ipsa sanitate, & adhuc multo minus in morbis; præcipuas has mutationes in hoc articulo examinabimus. Humor ex majoribus partibus constans (52) alicubi stagnans non semper eandem servat indolem, non habemus in nostro corpore liquorem, qui majoribus constat partibus, quam ipse sanguis ruber (28) vascula secretoria non ingrediens. Is tamen in quadam cavitate fusus, aut in quadam corporis parte, sensim ita attenuatur, ut minutissima ingrediatur vascula absorbentia. Ita etiam pus, quod quoque est humor craffus, sensim ita attenuatur, ut ab iisdem recipiatur & misceatur circulanti, postea ut plurimum per urinæ vias deponendum. Quo uno reor satisfactum quæsito, quâ viâ ducatur ex pectore pus ad vesicam, quæ hucusque frustra fuit quæsita. Humorem ex minimis constantem particulis post secretionem partium augeri magnitudine posse, ex iis quæ diximus (4, 8, 30,) intelligi, credo.

64.

Non est ferendum judicium de craffitudine humoris, quam habuerit tempore secretionis, dum postea alicubi reperiatur. De hu-

hujus humoris secretione egimus (53). Tam crassos autem non secerni, quales apparent post secretionem peractam, paucis evincemus. Semen, cerumen aurium, materia mucosa in tota membrana Schneideriana, faucibus, œsophago, ventriculo, intestinis, trachea arteria, & juncturis, si tam crassa fuissent, per ipsas arteriarum extremitates in venas transire non potuissent, sed stagnarent ubique, multo ergo minus per vasa adhuc arteriis tenuiora, per quæ tamen eunt facillime: verum solæ seorsim si habeantur, partes sese mutuo arripiunt, aut tenuissimum avolat, vel stagnantes coëunt, & crassi apparent & tenaces humores. Hinc tanta viscidii in stomacho & intestinis coacervatio & ejactio, de quo multi mirantur, unde veniat, tanta eorum copia, non cogitantes, stagnatione sponte incrassescere fluidissima quædam nostri corporis. Ita tota leucophlegmaticorum corpora visciditatibus scatent, qui tamen humores, si circulatione commoveantur, sunt fluidissimi. Et e contrario viscidii secreti humores suam quandoque exuunt indolem, & in acerrimos, ichorosos, rodentes convertuntur, ut passim inculcavimus, fieri etiam potest, quod duo liquores post secretionem confundantur (6, 15) & ita crassiores teniores, aut tenuiores & fluidiores fiant.

65.

Liquores secreti in innumerabiles varios humores commutari possunt. Secretione peracta, humor hæret in quadam cavitate, si ibidem diutius maneat, omnes ipsi accidentunt mutationes, quæ ipsi fierent in loco calido reservato, hoc est corruppetur & putrefacet; & quod unusquisque humor suam specialem producat corruptionis speciem (37) varii nasci possunt in nostro corpore maligni humores, qui tales nunquam fuere secreti. Aut secretione peracta duorum diversorum liquorum, possunt hi humores confundi, ex qua miscela novus tunc generatur liquor omni dote ab omnibus aliis

aliis s^epe differens. Ita oleum medullare per ossium capita, & mucilago e glandulis mucilaginosis confunduntur ad obli- nienda ossium extrema. Ita etiam bilis & succus pancreaticus in intestinum duodenum, ad promovendam chyli elabo rationem & accuratiorem miscelam: imo hanc duplicem in eodem fieri organo secretionem (56:b. 56:c.) Anatomicorum hodiernorum industria comprobavit. Ex his omnibus patet, multos humores a sanguine posse separari propria vasorum structura & humorum indole, sine ulla fingenda secretionis hypothesi, quod in hoc tractatu præcipue erat pera gendum.

F I N I S.



I N-

I N D E X.

Numerus appositus § exhibet, non
vero paginam.

A.

- A**bsorptio quomodo fit. 26
Adstringentia quandoque incrassant sanguinem, & chylum
non attingunt. 7
Animalia viventia dissecta, corpori nostro applicata, quare re-
serant obstructiones. 33
Aqua quare refrigerat. 14
Arteriarum cursus ad organa secretoria varius. 42
Arteriae vebunt ad omnia organa secretoria liquidum ejusdem fe-
re indolis. 43

B.

- B**ilis secretio exponitur. 56. B.

C.

- C**aloris gradus qualis omnium maxime movet secretiones. 33
Calor nimius condensat sanguinem. 33
— — — minuere potest secretionem. 33
Canales flexiles liquore impleti fiunt cylindrici. 38
— — — minimi cur sponte implentur. 20
Cantharides urinam movent. 7
Chalybis vis attractrix augetur attractu magnetis. 6
Circulatio conservat sanguinis fluorem. 31
— — — impedit corruptionem. 37
— — — celerior & tardior incrassat sanguinem. 32
— — — retardata generat viscidum. 32
Coadunatio liquorum spontanea, generalis potest esse secretionis
causa. 45

I N D E X.

<i>Cohæsio major & minor fieri potest inter partes liquidi & solida.</i>	6
— — — — <i>quibusdam fluidi heterogenii particulis potest conciliari.</i>	7
— <i>augetur.</i>	53
— <i>firmior partium similium inter causas generales secretionum potest citari.</i>	46
— — <i>quorundam liquidorum causam generalem potest exhibere secretionis.</i>	47
— <i>minui potest.</i>	6
— — — <i>in quibusdam liquidis, reliquis intactis.</i>	7
<i>Colliquativi sudores & urinæ unde.</i>	33
<i>Concretiones quare præprimis in vasis majoribus.</i>	23
— <i>juvantur diminuto vehiculo.</i>	8
— <i>impediuntur copioso vehiculo.</i>	8
<i>Confusi duo liquores diversæ naturæ, alter eorum in sphærulas convertitur.</i>	16
<i>Consistentia humorum mutari potest secretione peracta.</i>	6
<i>Cordis potentia supputatur.</i>	44
— <i>non tanta ut vulgo statuitur.</i>	21
<i>Crassioris humoris distinctio.</i>	52
<i>Crassus humor potest secerni.</i>	52
— <i>potest mutari.</i>	6. 64
— <i>fit tenuis.</i>	63
— <i>confer tenax, glutinosus, viscidus.</i>	18
<i>Cribra cum figuratis poris non inveniuntur.</i>	29
<i>Crystallizatio salium.</i>	8

D.

D ivisio proprietatum liquorum in 3 Classes.	4
— <i>secretionis generalis.</i>	43

E.

E xcretio quare difficilior secretione.	18
--	----

E xercitiis violentioribus cur absunitur pinguedo & medulla.	19
---	----

F.

F ermentatione minuitur olei cohæsio.	6
--	---

F ermentum an detur perpetuum.	37
---------------------------------------	----

Fi-

I N D E X.

<i>Fibræ sunt semper in statu violento.</i>	41
<i>Fluida quædam tenacius, alia laxius adhærent solidis.</i>	17
<i>Fluidorum motus juxta solida paralelus omnium facillimus.</i>	18
<i>Fluiditas non pendet a parvitate particularum.</i>	53
— <i>& unde.</i>	53
— <i>confer lœvitas, tenuitas, mobilitas.</i>	53
<i>Fluidioris secretio.</i>	45. 55
<i>Frigus intenſum condensat sanguinem.</i>	33
— <i>minuit secretionem.</i>	33
G.	
G <i>Lobulorum magnitudo potest augeri.</i>	52
G <i>Globuli rotundi fiunt.</i>	4, 16, 19
— <i>rubri retinentur in arteriis & venis ad promovendas secre- tiones.</i>	8
— <i>differunt magnitudine.</i>	28
<i>Glutinosa ad latera vasorum.</i>	25
<i>Glutinosus humor secernitur.</i>	45. 53
— - - - <i>non constat semper particulis majoribus.</i>	53
<i>Glutinositas unde dependet.</i>	53
<i>Gravia intime mista cum liquore leviore, per vasa mota, inferio- rem canalis partem non magis petunt quam alia.</i>	11
— — — — <i>non separantur, quamvis mixta pro- jiciatur verticaliter vel horizontaliter.</i>	12
— — — — <i>-- totius massæ impetum adaugent.</i>	14
— — <i>non exacte mixta, & in altum pulsa, eandem non attin- gent altitudinem ad quam perveniet liquor levior.</i>	13
— — <i>non feruntur ad cerebrum.</i>	13
— — <i>quare sustinentur in liquido leviore.</i>	11
— — <i>quomodo secretiones adaugent.</i>	14
— — <i>quomodo secretiones speciales adaugent.</i>	14
— — <i>calfaciunt.</i>	14
<i>Guttulæ duæ sese invicem tangentes uniuntur, & sphærulam for- mant.</i>	4

I N D E X.

H.

H	<i>Omogenei liquores quales.</i>	7
—	<i>raro reperiuntur.</i>	7
H	<i>Humores a quibus causis ducuntur per minutissima vasa.</i>	44
—	<i>nulli perpetui a nativitate.</i>	37
—	<i>omnes corrumpuntur sponte.</i>	37
—	<i>confer liquores & fluida.</i>	

I.

I	<i>Ncantati quales dicuntur falso.</i>	58
—	<i>quomodo curandi.</i>	58
I	<i>Injectiones anatomicæ quare raro ultima attingunt vascula.</i>	44

L.

L	<i>Aevissima in medio canalis.</i>	25
L	<i>Levia quomodo refrigerant.</i>	14
L	<i>Liquidorum mutatio post secretionem.</i>	65
—	<i>motus circa canalis axim celerrimus.</i>	24
—	<i>partes facilius inter se moventur quam separantur.</i>	5
L	<i>Liquores concrescibles per canales motu non perturbato pulsi con-</i>	
L	<i>crescere possunt.</i>	23
—	<i>tenuissimi sola permistione concrescere possunt.</i>	15
—	<i>minimis tubulis recepti descendunt tamen propria gravita-</i>	
—	<i>te.</i>	22
—	<i>omnes non æque facile juxta solida moventur.</i>	19
—	<i>confer humores & fluida.</i>	

M.

M	<i>Aceratio attenuat.</i>	6
M	<i>Magnitudo partium & orificiorum varia, causa est gene-</i>	
M	<i>ralis secretionis.</i>	48
—	<i>non determinanda ex tenacitate liquoris.</i>	53
M	<i>Medullæ secretio in ossibus.</i>	19
—	<i>absumtio.</i>	19
M	<i>Mercurius quare salivam movet.</i>	7. 14
M	<i>Mobilissimæ partes circa axim canalis feruntur.</i>	25
M	<i>Morbosi humoris evacuatio specialis.</i>	56. F.
M	<i>Morbus cum valida circulatione quare extenuat corpus.</i>	19
		Mo-

I N D E X.

<i>Motus intestinus, in fluidis a parva causa potest excitari.</i>	<i>5</i>
— <i>vermicularis vasorum quid facit.</i>	44
N.	
N ervorum morbi quomodo mutant secretionem.	10
— <i>Nervi copiosi quare ad glandulas.</i>	10
— <i>abscissi cur non emittunt liquorem.</i>	22
<i>Nutritum unguentum fit ex oleo & liquore saturni.</i>	15
O.	
O bstructiones quare resolvuntur applicatis animalibus calenti- bus.	33
<i>Offa Helmontiana.</i>	15
<i>Orificia vasorum amplitudine differunt.</i>	39
— — <i>circularia ad axim.</i>	38
P.	
P inguedinis secretio.	17. 19
— <i>consumtio.</i>	19
<i>Plexus arteriarum quare.</i>	23
<i>Polypi cur præcipue in vasis majoribus.</i>	23
<i>Pororum figura quid faceret ad secretionem.</i>	29
<i>Pressio circumjacentium dicit sanguinem ad minutissima vasa.</i>	44
R.	
R amorum capacitates simul sumtæ superant capacitatem trun- ci.	40
<i>Refrigerantia quomodo promovent secretiones.</i>	33
<i>Reticularis arteriarum concursus præcipua causa fluiditatis:</i>	31
<i>Rubedo partis unde.</i>	34
S.	
S alivæ crystallizatio.	8
<i>Salivæ secretio.</i>	7. 14
<i>Sanguis communes, & proprias possidet qualitates.</i>	3.
— <i>crassior calore & frigore nimio.</i>	33
— — <i>aucto & minuto motu.</i>	32
— — <i>stagnatione.</i>	30
<i>Sanguis fluidus manet circulatione.</i>	31
— <i>fluidissimus in tempore.</i>	33
San-	

I N D E X.

<i>Sanguis ruber quoque pervenit.</i>	34
— <i>per arterias ad organa secretoria vectus ubique fere ejusdem est indolis.</i>	43
— <i>vegetus in corpore debili transfusus quare non erigit vires.</i>	27
— <i>maternus an existat.</i>	37
— <i>in finistro ventriculo cordis exacte mistus.</i>	35
— <i>diversis particulis constat.</i>	35
— <i>omnes possidet liquores vel materiam ex qua fiunt omnes secretorii humores.</i>	36
<i>Sanguinis globuli vide globuli.</i>	
— <i>motus tardior in ramis.</i>	26
— <i>partes visibles sphæricæ.</i>	29
— — <i>differunt magnitudine.</i>	28
— <i>propria indole secretioni favet.</i>	27
— <i>resorptio ex vasis pellucidis.</i>	9
— <i>vocabulum late sumtum quid notat.</i>	3
<i>Sanguinem quæ ducunt ad minutissima vasa.</i>	44
<i>Secretio bilis.</i>	
— <i>crassioris humoris.</i>	56. B.
— <i>fluidioris.</i>	52
— <i>glutinosi.</i>	45. 55
— <i>medullæ in ossibus.</i>	45. 55
— <i>morbosi humoris.</i>	19
— <i>seminis.</i>	56. F.
— <i>spirituum.</i>	56. D.
— <i>tenuioris.</i>	31. 56. A.
— <i>urinæ.</i>	54
— <i>copiosior in tempore.</i>	31. 56. C.
— — <i>aucta humorum velocitate.</i>	33
— — — <i>non semper.</i>	58
— — <i>minuto motu quomodo.</i>	32
— <i>minor.</i>	59
— <i>particularis.</i>	58. 59
— — <i>demendo vehiculum producitur.</i>	56
— — <i>diluendo etiam efficitur.</i>	9
	10
<i>Se-</i>	

I N D E X.

<i>Secretio diversorum liquorum ex eodem sanguine.</i>	<i>43</i>
<i> ramo.</i>	<i>31. 40</i>
<i> non dicitur quando similis humor distribuitur per vasa.</i>	<i>1</i>
<i> non per poros figuratos.</i>	<i>29</i>
<i>Secretiones omnes non ex sanguinis massa.</i>	<i>1</i>
<i>Secretionis divisio generalis.</i>	<i>43</i>
<i> causæ generales.</i>	<i>45, 46, 47, 48, 49, 50, 51</i>
<i> mutatio.</i>	<i>57</i>
<i> aucta circulatione.</i>	<i>58</i>
<i> minuta circulatione.</i>	<i>59</i>
<i> mutata cohærendi potentia.</i>	<i>60</i>
<i> globulorum & pororum magnitudine.</i>	<i>61</i>
<i> vehiculi quantitate.</i>	<i>62</i>
<i> differentia globulorum magnitudine.</i>	<i>28</i>
<i> intellectus non acquiritur sine cognitione fluidorum & solidorum.</i>	<i>2</i>
<i> liquor præexistit talis ut separatur, vel materia ex qua præparatur.</i>	<i>36</i>
<i>Seminis excretio quare debilitat.</i>	<i>56. D.</i>
<i> secretio.</i>	<i>56. D.</i>
<i>Seri resorptio.</i>	<i>9</i>
<i>Solida liquefacta globulos formant.</i>	<i>4</i>
<i>Spirituum secretio.</i>	<i>31 56. A.</i>
<i> effusio in glandulis quid facit.</i>	<i>10</i>
<i>Stiptica coagulant sanguinem & serum.</i>	<i>6</i>
<i>Suctione adducitur liquor.</i>	<i>5</i>
<i>Sudor dispareret accedente febris paroxysmo.</i>	<i>20</i>
T.	
<i>TEnax, videatur glutinosus, crassus, viscidus.</i>	
<i>Tenuis humor fit crassus.</i>	<i>63</i>
<i>Tenuioris secretio.</i>	<i>54</i>
<i> minuitur.</i>	<i>32</i>
<i>Tepor fluiditatem sanguinis juvat.</i>	<i>33</i>
<i> favet secretionibus.</i>	<i>35</i>
<i>Transfusio sanguinis quare frustra instituitur.</i>	<i>27</i>
Tu-	

I N D E X.

<i>Tubuli minimi liquore immersi, eum attollunt contra naturalem gravitatem.</i>	20
— — — <i>quo angustiores, eo altior liquoris ascensus.</i>	21
<i>V.</i>	
V asa minima cur facile implentur.	21
— — — semper premunt contentum.	41
V ascula minima abscissa cur non effundunt humores.	22
V asorum recipiendi potentia quid facit.	44
— — — cursus varius ad diversa organa cur.	51
V ehiculi inæqualis quantitas quid facit.	49
— — — eadem quantitate omnia non impediuntur concrescere.	9
— — — diminutio concretioni favet.	8. 9
— — — augmentum juvat concretionem.	10
— — — & minuit.	8
V elocitas liquidorum respondet diametrorum vasorum quadratis inverse.	26
— — — inæqualis causa variæ secretionis.	50
V enæ settio quomodo quandoque secretiones excitat.	32
V ermicularis motus propellit humores.	44
V iscidum, confer glutinosus, crassus.	
— — — dissolvitur motu & putredine	32
— — — generatur motu minuto.	32
U rinæ secretio.	31. 56. C.
— — — sedimentum unde augetur & minuitur.	8

F I N I S.

Fig. 1.



